


元史



本紀卷第二十三

泰南一京國子監祭酒木侯恪

由中書省  
司業謝德溥補修

武宗二

二年春正月己丑從皇太子請罷官師府設賓客諭  
德贊善如故庚寅越王禿剌有罪賜死禁日者方士  
出入諸王公主近侍及諸官之門辛卯皇太子諸王  
百官上尊號曰統天繼聖欽文英武大章孝皇帝乙  
未恭謝太廟丙申詔天下弛山澤之禁恤漉移毋令  
見戶包納差稅被灾百姓內郡免差稅一年江淮免

兩相侯謝補修  
夏稅內外大小職官普覃散官一等有出身人考滿者加散官一等己亥封知樞密院事容國公床兀兒爲句容郡王乙巳塔思不花乞台普濟言諸人恃恩徑奏璽書不由中書直下翰林院給與者今覆其數自大德六年至至大元年所出凡六千三百餘道皆干田土戶口金銀鐵冶增餘課程進貢奇貨錢穀選法詞訟造作等事害及於民請盡追奪之今後有不  
由中書者乞勿與制可丙午定制大成至聖文宣王春秋二丁釋奠用大牢戊申迭里帖木兒不花進鷹犬命歲以幣帛千疋鈔千錠與之二月戊午鑄金印

賜句容郡王床兀兒賑真定路饑民糧萬石塔塔境六千石癸亥皇太子幸五臺佛寺罷行泉府院以市舶歸之行省乙丑以和林屯田去秋收九萬餘石其宣慰司官吏部校軍士給賞有差己巳太陰犯亢辛未太陰犯氏調國王部及忽里合赤兀魯帶朶來等軍九千五百人赴和林壬申令各衛董屯田官三年一易甲戌弛中都酒禁三月己丑遼陽行省右丞洪重喜訴高麗國王王章不奉國法恣暴等事  
中書省臣請令重喜與高麗王辯對敕中書母令辯對令高麗王從太后之五臺山梁王在雲南有風疾以諸王

老昉代梁王鎮雲南賜金二百五十兩銀七百五十兩從者幣帛有差庚寅車駕幸上都摘五衛軍五十人隸中都虎賁司封諸王也不干爲襄寧王辛卯罷杭州白雲宗攝所立湖廣頭陀禪錄司丙寅賜雲南王老的金印戊戌太陰犯氐巳亥熒惑犯歲星封公主阿剌的納入刺爲趙國公主駙馬注安爲赴王甲辰中書省臣言國家歲賦有常頃以歲儉所入曾不及半而去歲所支鈔至千萬錠糧三百萬石陛下曾命汰其求芻粟者而宣徽院字可孫竟不能行視去歲反多三十萬石請用知錢穀者二三員於宣徽院

佐而理之又中書省斷事官大德十年四十三員今皇太子位增二員諸王闊闊出刺馬甘禿刺亦各增一員非舊制臣等以爲皇太子位所增宜存諸王者宜罷並從之陞掌醫署爲典醫監乙巳中書省臣言中書爲百司之首宜先汰冗員帝曰百司所汰卿等定議省臣去留朕自思之巳酉濟陰定陶雹夏四月甲寅中書省臣言江浙杭州驛半歲之間使人過者千二百餘有桑兀實合丁等進獅豹鴉鶻留二十有七日人畜食肉千三百餘斤請自今遠方以奇獸異寶來者依驛遞其商人因有所獻者令自備資力從之

辛酉立興聖宮江淮財賦總管府詔諭中外癸亥摘  
漢軍五千給田十萬頃於直沽沿海口屯種又益以  
康里軍二千立鎮守海口屯儲親軍都指揮使司壬  
午詔中都創皇城角樓中書省臣言今農事正殷蝗  
蝻徧野百姓艱食乞依前旨罷其役帝曰皇城若無  
角樓何以壯觀先畢其功餘者緩之以建新寺鑄提  
調監造三品銀印益都東平東倉濟寧河間順德廣  
平大名汴梁衛輝泰安高唐曹濮德揚滁高郵等處  
蝗五月丁亥以通政院使憨刺合兒知樞密院使董  
建興聖宮令大都留守養安等督其工丁酉以陰陽

家言自今至聖誕節不宜興土功敕權停新寺工役  
甲辰御史臺臣言乘輿北幸而京師工役正與加之  
歲旱乏食民愚惑所關甚重乞留一丞相鎮京師  
後爲例制可六月癸亥選官督捕蝗從皇太子言禁  
諸賜田者馳驛徵租擾民庚午中書省臣言奉旨旣  
停新寺工役其亭於鷹坊諸役包并罷又太醫院遣  
使取藥材於陝西四川雲南費公帑勞驛傳臣等議  
事于錢糧隔越中書省徑行乞禁止並從之以益都  
濟南般陽三路寧海一州屬宣慰司餘並令直隸省  
部以大都隸儒藉者四十戶充文廟樂工從皇太子

請改典樂司提點大使等官爲卿少卿丞甲戌以宿衛之士比多冗雜遵舊制存蒙古色目之有閥閱者餘皆革去皇太子言宣政院先奉旨毆西番僧者截其手詈之者斷其舌此法昔所未聞有乖國典且於僧無益僧俗相犯已有明憲乞更其令又言宣政院文案不檢覈於憲章有礙遵舊制爲宜並從之乙亥中書省臣言河南江浙省言宣政院奏免僧道也里可溫荅火蠻租稅臣等議田有租商有稅乃祖宗成法今宣政院一體奏免非制有旨依舊制徵之是月金城崞州源州雨雹延安之神木碾谷盤西神川等

處大雨雹霸州檀州涿州良鄉舒城歷陽合肥六安江寧句容溧水上元等處蝗秋七月癸未河決歸德府境壬辰宣政院臣言武靖王搠思班與朶思麻宣慰司言松潘疊宕威茂州等處安撫司管內西番禿魯卜降胡漢民四種人雜處昨遣經歷蔡懋昭往蛇谷隴迷招之降其八部戶萬七千皆數百年負固頑獷之人酋長令真巴等八人已嘗廷見今令真巴謂其地隣接四川未降者尚十餘萬宣撫司官皆他郡人不知蠻夷事宜纔至成都灌州畏懼卽返何以撫治宜改安撫司爲宣撫司遷治茂州徙松州軍千人

鎮遏爲便臣等議宜從其言詔改松潘疊宕威茂州  
安撫司爲宣撫司遷治茂州汶川縣秩正三品以八  
兒思的斤爲宣撫司達魯花赤蔡懋昭爲副史並佩  
虎符乙未復置贛州龍南安遠二縣以河西二十驛  
往來使多馬數旣少民力耗竭命中書省樞密院通  
政院於諸部撥戶增馬以濟之樂實言鈔法大壞請  
更鈔法圖新鈔式以進又與保八議立尚書省詔與  
乞台普濟塔思不花赤因鐵木兒脫虎脫集議以聞  
己亥河決汴梁之封丘甲辰改昔保赤八刺合孫總  
管府爲奉時院乙巳保八言臣與塔思不花乞台普

濟等集議立尚書省事臣今竊自思之政事得失皆  
前日中書省臣所爲今欲舉正彼懼有累孰願行者  
臣今不言誠以大事爲懼陛下若矜憐保八樂實所  
議請立尚書省舊事從中書新政從尚書尚書請以  
乞台普濟脫虎脫爲丞相三寶奴樂實爲平章保八  
爲右丞王罷叅知政事姓江者畫鈔式以爲印鈔庫  
大使並從之塔思不花言此大事遽爾更張乞與老  
臣更議帝不從是月濟南濟寧般陽曹濮德高唐河  
中解絳耀同華等州蝗八月壬子中書省臣言甘肅  
省僻在邊垂城中蓄金穀以給諸王軍馬世祖成宗

元史本紀卷二十三 六  
常修其城池近撒的迷失擅興兵甲掠爾王出伯輜  
重民大驚擾今撒的迷失已伏誅其城若不修慮啓  
寇心又沙瓜州摘軍屯田歲入糧二萬五千石撒的  
迷失叛不令其軍入屯遂察今乞仍舊遣軍屯種選  
知屯田地利色目漢人各一員領之皆從之癸酉立  
尚書省以乞台普濟爲太傅右丞相脫虎脫爲左丞  
相三寶奴樂實爲平章政事保八爲右丞忙哥鐵木  
兒爲左丞王罷爲參知政事中書左丞劉楫授尚書  
左丞商議尚書省事詔告天下甲寅敕以海刺孫肯  
與伯顏阿朮平江南知兵事可授平章政事商議樞

密院事以阿遷衛軍五百人隸諸王怯里不花駐和  
林給鈔萬五千錠人備匹馬已未立皇太子右衛率  
府秩正三品命尚書右丞相脫虎脫御史大夫不里  
牙敦並領右衛率府事尚書省臣言中書省尚有遞  
欠錢糧應追理者宜存斷事官十人餘皆併入尚書  
省又言往者大辟獄具尚書省議定令中書省裁酌  
以聞宜依舊制從之以江西等處行中書省參知政  
事郝彬爲尚書省參知政事甲戌賜大帥瓜頭名脫  
兒赤顏子丁丑永平路隕霜殺禾已卯三寶奴言書  
省立更新庶政變易鈔法用官六十四員其中宿衛

兩相侯倪補修  
之士有之品秩大重者有之未歷仕者有之此皆素  
習於事既已任之乞勿拘例授以宣敕制可詔天下  
敢有沮撓尚書省事者罪之真定府定河間順德廣  
平彰德大名衛輝懷孟忭梁等處蝗九月庚辰朔以  
尚書省保畫詔天下改各行中書省爲行尚書省詔  
朝廷得失軍民利害臣民有上言者皆得寶封上聞  
在外者赴所屬轉達各處人民飢荒轉徙復業者一  
切逋欠並行蠲免仍除差稅三年田野死亡遺骸暴  
露官爲收拾頒行至大銀鈔詔曰昔我世祖皇帝旣  
登大寶始造中統交鈔以便民用歲久法墮亦旣更

張印造至元寶鈔選今又復三十三年鈔重鈔輕本  
能無弊迺循舊典改造至夫銀鈔頒行天下至大銀  
鈔一兩準至元鈔五貫白銀一兩赤金一錢隨路立  
平準行用庫買賣金銀倒換昏鈔或民間絲綿布帛  
赴庫回易依驗時估給價隨處路府州縣設立常平  
倉以權物價豐年收糴粟麥米穀值青黃不接之時  
比附時估減價出糴以遏沸湧金銀私相買賣及海  
舶興販金銀銅錢綿絲布帛下海者並禁之平準行  
用庫常平倉設官皆於流官內銓注以二年爲滿中  
統交鈔詔書到日限一百日盡數赴庫倒換茶鹽須

醋商稅諸色課程如收至大銀鈔以一當五頒行至大銀鈔二兩至一釐定爲一十三等以便民用壬午江南行臺劾平章政事教化詐言家貧月受賜貨物折鈔二萬錠且其人素行無一善可稱魏國公尊爵也豈宜授之請追奪爲宜制可癸未尚書省臣言古者設官分職各有攸司方今地大民衆事益繁冗若使省臣總繫綱領庶官各盡厥職其事豈有不治頃歲諸務雍塞朝夕惟署押文案事皆廢弛失裁民困職此之由自今以始省部一切皆令從宜處置大事或須上請得旨卽將用成至治上須天道下安民心

又言國家地廣民衆古所未有累朝格例前後不一執法之吏輕重任意請自太祖以來所行政令九千餘條刪除繁冗使歸於一編爲定制並從之以大都城南建佛寺立行工部領行工部事三人行工部尚書二人仍令尚書右丞相脫虎脫兼領之丙戌車駕至大都戊子尚書省臣言翰林國史院先朝御容實錄皆在其中鄉置之南省今尚書省復立倉卒不及營建請買大第徙之制可壬辰賜高唐王汪安金五千兩銀五萬兩癸巳以薪價貴禁權豪畜鷹犬之家不得占據山場聽民樵采三寶奴言冀寧大同保定

真定以五臺建寺所湏皆直取於民宜免今年租稅從之丙申御史臺臣言頃年歲凶民疫陛下哀矜賑之獲濟者衆今山東大饑流民轉徙乞以本臺沒入贓鈔萬錠賑救之制可丁酉御史臺臣言比者近幸爲人奏請賜江南田千二百三十頃爲租五十萬石乞拘還官從之己亥尚書省臣言今國用需中統鈔五百萬錠前者嘗借支鈔本至千六十一萬三千一百餘錠今乞罷中統鈔以至大銀鈔爲母至元鈔爲子仍撥至元鈔本百萬錠以給國用大都立資國院秩止二品山東河東遼陽江淮湖廣川漢立泉貨監六

秩止三品產銅之地立提舉司十九秩從五品尚書省臣言三宮內降之旨曩中書省奏請勿行臣第謂宜仍舊行之儻於大事有害則復奏請帝是其言又言中書之務乞以盡歸臣等至元二十四年凡宣敕亦尚書省掌之今臣等議乞從尚書省任人而以宣敕散官委之中書從之占八國王遣其弟扎刺奴等來貢白面象伽藍木合魯納答思禿堅鐵木兒桑加失里等奏請遣人使海外諸國以禿堅張也先伯顏使不憐八孫薛徹兀李唐徐伯顏使八昔察罕亦不刺金楊忽荅兒阿里使占八以陝西行臺大夫大司

兩廂侯謝補修  
徒沙的爲左丞相行土蕃等處宣慰使都元帥甲辰  
尚書省言每歲芻粟費鈔五十萬錠請廢字可孫立  
度支院秩二品設使同知僉院僉判各二員從之乙  
巳以盜多徙上都中都大都舊盜於水達達亦刺思  
等地耕種丁未三寶奴言養豹者害民爲甚有旨禁  
之有復犯者雖貴幸亦加罪冬十月庚戌朔以皇太  
子爲尚書令詔天下令州縣正官以九年爲任詔天  
下又以行銅錢法詔天下辛亥皇太子言舊制百官  
宜敕散官皆歸中書以臣爲中書令故也自今敕牒  
宜令尚書省給降宣命仍委中書制可丙辰樂實言

江南平垂四十年其民止輸地稅商稅餘皆無與其  
富室有蔽占王民奴使之者動輒百千家有多至萬  
家者其力可知乞自今有歲收糧滿五萬石以上者  
令石輸二升於官仍質一子而軍之其所輸之糧移  
其半入京師以養御士半留於彼以備凶年富國安  
民無善於此帝曰如樂實言行之辛酉弛酒禁立酒  
課提舉司尚書省以錢穀繁劇增戶部侍郎員外郎  
各一員又增禮部侍郎郎中各一員凡言時政者屬  
之立太廟廩犧署設令丞各一員癸亥以翰林學士  
承旨不里牙敦爲御史大夫乙丑以皇太后有疾詔

天下釋大辟百人丁卯以御史大夫只兒合郎及中書左丞相脫脫尙服院使大都並知樞密院事壬申太陰犯左執法癸酉尙書省臣言比來東汰冗官之故百官俸至今未給乞如大德十年所設員數給之餘弗給從之加知樞密院事禿忽魯左丞相丁丑以遼陽行尙書省平章政事合散爲左丞相行中書省平章政事中書參知政事伯都爲平章政事行中書右丞商議中書省事忽都不丁爲右丞行中書省左丞參議中書省事鉄里脫歡賈鈞並中書參知政事戊寅御史臺臣言常平倉本以益民然歲不登遽立

之必反害民罷之便又言至大銀鈔始行品目繁碎民猶未悟而又兼行銅錢慮有相妨又言民間拘銅器甚急弗便乞與省臣詳議又言歲凶乏食不宜遽弛酒禁有旨其與省臣議之十一月庚辰朔以徐邳連年大水百姓流離悉免今歲差稅增吏部郎中員外郎主事各一員令考功以行黜陟東平濟寧薦饑免其民差稅之半下戶悉免之尙書省臣言比年衛士大濫率多無賴請充衛士者必廷見乃聽從之雲南行省言八百媳婦大徹里小徹里作亂威遠州谷保奪據木羅甸詔遣本省右丞算只兒威往招諭之

仍令威楚道軍千五百人護送入境而算只兒威受  
谷保賂金銀各三錠復進兵攻劫谷保弓弩亂發遂  
以敗還匪惟敗事反傷我人惟陛下裁度帝曰大事  
也其速擇使復齎璽書往招諭算只兒威雖遇赦可  
嚴鞫之甲申賜寧肅王脫脫金印陞皇太子府正司  
爲從二品乙酉尙書省及太常禮儀院言郊祀者國  
之大禮今南郊之禮已行而未備北郊之禮尙未舉  
行今年冬至祀天南郊請以太祖皇帝配明年夏至  
祀地北郊請以世祖皇帝配制可丁亥以湖廣行省  
左丞散朮帶爲平章政事商議樞密院事丁酉太尉

尙書右丞相脫虎脫監修國史己亥太陰犯右執法  
庚子太陰犯上相辛丑尙書省臣言臣等竊計國之  
糧儲歲費浸廣而所入不足今歲江南頗熟欲遣使  
和糴恐米價暴增請以至大鈔二千錠分之江浙河  
南江西湖廣四省於來歲諸色應支糧者視時直予  
以鈔可得百萬不給則聽以各省錢足之制可丙午  
諸王孛蘭奚以私怨殺人當死太宗正也可扎魯忽  
赤議孛蘭奚貴爲國族乞杖之流北鄙從軍從之丁  
未擇衛士子弟充國子學生十二月乙卯親饗太廟  
上太祖聖武皇帝尊謚廟號及光獻皇后尊謚又上

睿宗景襄皇帝尊謚廟號及莊聖皇后尊謚執事者  
人陞散階一等賜太廟禮樂戶鈔帛有差和林省右  
丞相太師月赤察兒言臣與哈刺哈孫答刺罕共事  
時錢穀必與臣議自哈刺哈孫沒凡出入不復關聞  
予奪失當而石丞曩家帶反相凌侮輒託故赴京師  
有旨其鎖曩家帶詣和林鞠之武昌婦人劉氏詣御  
史臺訴三寶奴奪其所進亡宋玉璽一金椅一夜明珠  
二奉旨令尚書省臣及御史中丞冀德方也可扎  
魯忽赤別鐵木兒中政使棚只等雜問劉氏稱故翟  
萬戶妻三寶奴謫武昌時與留往來及三寶奴貴劉

託以追逃婢來京師謁三寶奴於其家不答入其西  
廊見榻上有逃婢所竊寶鞍及其手縫錦帕以問三  
寶奴又不答忿恨而出卽求書狀人喬瑜爲狀乃因  
尹榮往見察院吏李節入訴於臺獄成以劉氏爲妄  
有旨斬喬瑜答李節杖劉氏及尹榮歸之元籍丙辰  
併中書省左右司遣使往諸路分揀逋負合徵者徵  
之合免者免之庚申太陰犯參尚書省臣言鹽價每  
引宜增爲至大銀鈔四兩廣西者如故其煮鹽工本  
請增爲至大銀鈔四錢制可辛酉申禁漢人執弓矢  
兵仗壬戌陽曲縣地震有聲如雷封西僧迷不韻子

爲寧國公。賜金印。丁丑詔增百官俸。定流官封增等第。應封贈者。或使遠死節。臨陣死事。於見授散官。上加之。若六品七品死節死事者。驗事特贈官封贈。內外百官三品以上者。許請謚。凡請謚者。許其家具本官平日勲勞政績德業藝能。經由所在官司保勘。與本家所供相同。轉由吏部考覆。呈都省。都省準擬。令太常禮儀院驗事蹟。定謚。若勲戚大臣奉旨賜謚者。不在此例。

三年春正月癸未。省中書官吏自客省使而下一百八十一員。賜諸王那木忽里等鈔萬二千錠。賜宣徽

院使拙忽難所隸酒人鈔萬五百八十八錠。乙酉。特授李孟榮祿大夫平章政事。集賢大學士同知徽政院事。丁亥。白虹貫日。戊子。禁近侍諸人外增課額。及進他物有妨經制營五臺寺役工匠千四百人。軍三千五百人。己丑。以紐隣參議尚書省事。庚寅。立司禮監。秩正三品。掌巫覡以丞相釐日領之。辛卯。立皇后。弘言列氏。遣脫虎脫攝太尉持節授玉冊玉寶。壬辰。陞中政院爲從一品。癸巳。立中瑞司。秩正三品。掌皇后寶。甲午。太陰犯右執法。乙未。定稅課法。諸色課程。並係大德十一年考較定舊額。元增總爲正額。折至

元鈔作數自至大二千為始恢辨餘止以十分為率  
增及三分以上為下酬五分以上為中酬七分以上  
為上酬增及九分為最不及三分為殿所設資品官  
負以二周歲為滿定稅課官等第萬錠之上設正提  
舉同提舉副提舉各一員一千錠之上設提領大使  
副使各二員五百錠之上設提領大使副使各一員  
一百錠之上設大使副使各一員丙申立資國院泉  
貨監命以歷代銅錢與至大錢相參行用復立廣平  
順德路鐵冶都提舉司戊戌詔湖廣行省招諭叛人  
上思州知州黃勝許辛丑降詔招諭大徹里小徹里

樞密院臣言湖廣省乖西帶蠻阿馬等連結萬人入  
寇已遣萬戶移刺四奴領軍千人及調思播土兵併  
力討捕臣等議事勢緩急地里要害四奴備知乞聽  
其便宜調遣制可壬寅詔諭八百媳婦遣雲南行省  
右丞筭只兒威招撫之癸卯改太子少詹事為副詹  
事乙巳令中書省官吏如安童居中書時例存設其  
已汰者尚書省遷叙省樞密院官存知樞密院七員  
同知樞密院事二員樞密副使二員僉樞密院事二  
員同僉樞密院事一員增御史臺官二員御史大夫  
御史中丞侍御史治書侍御史各二員省通政院官

六負存十二負汰廣武康里衛軍非其種者還之元籍凡隸諸王阿只吉火郎撒及迤南探馬赤者令樞密院遣人卽其處參定爲籍去歲朝會諸王伯鐵木兒阿刺鐵木兒並賜金二百五十兩銀一千兩鈔四百錠丙午詔令知樞密院事大都僉院合剌合孫復職丁未立右衛阿速親軍都指揮使司秩正三品二月庚戌以皇后受冊遣官告謝太廟辛亥熒惑犯月星賜鷹坊馬速忽金百兩銀五百兩己未浚會通河給鈔四千八百錠糧二萬一千石以募民命河南省平章政事塔失海牙董其役遣商議尚書省事劉揖

整治鈔法增大都警巡院二分治四隅壬戌太陰犯左執法甲子以上皇太后尊號告祀南郊乙丑復以僉樞密院事賈鈞爲中書參知政事尚書省臣言官階差等已有定制近奉聖旨懿旨令旨要索官階者率多躡等願依世祖皇帝舊制次第給之制可丁卯尚書省臣言昔至元鈔初行卽以中統鈔本供億及銷其板今旣行至大銀鈔乞以至元鈔輸萬億庫銷毀其板止以至大鈔與銅錢相權通行爲便又言今夏朝會上都供億請先發鈔百萬錠以往並從之楚王牙忽都所隸戶貧乏以米萬石鈔六千錠賑之已

元史本紀卷三十三  
已寧王濶濶出謀爲不軌越王禿剌子阿剌納失里許助力事覺濶濶出下獄賜其妻完者死竄阿剌納失里及其祖母母妻于伯鐵木兒所以畏吾兒僧鐵里等二十四人同謀或知謀不首並磔于市鞠其獄者並陞秩二等賞牙忽都金千兩銀七千五百兩三寶奴賜號答刺罕以濶濶出食邑清州賜之自達魯花赤而下並聽舉用辛未脫兒赤顏加錄軍國重事賜故中書右丞相塔刺海妻也里千金七百五十兩銀一千五百兩鈔四百錠壬申樂實爲尚書左丞相駙馬都尉封齊國公癸酉以左丞相行中書省平章

政事合散商議遼陽行省事甲戌太白犯月星以上皇太后尊號告祀太廟三月己卯朔樞密院臣言國家設官分職都省治金穀樞密治軍旅各有定制邇者尚書省弗遵成憲易置本院官令依大德十年員數聞奏臣等議以鐵木兒不花脫而赤顏床兀兒也速脫脫也兒吉尼脫不花大都知樞密院事撒的迷失史弼同知樞密院事吳元珪樞密副使塔海姑令爲副樞有旨令樞密院如舊制設官十七員乙酉以知樞密院事只兒合郎爲陝西行尚書省平章政事遣刑部尚書馬兒往甘肅和市羊馬分賚諸王那木

忽里蒙古軍給鈔七萬錠庚寅太陰犯氏尚書省臣  
言昔世祖有旨以叛王海都分地五戶絲爲幣帛俟  
彼來降賜之藏二十餘年今其子察八兒向慕德化  
歸覲闕廷請以賜之帝曰世祖謀慮深遠若是待諸  
王朝會頒賞旣畢卿等備述其故然後與之使彼知  
愧辛卯發康里軍屯田永平官給之牛壬辰車駕幸  
上都立興聖宮章慶使司秩正二品丙申太陰犯南  
斗丁未太白犯井夏四月巳酉興聖宮鷹坊等戶四  
千分處遼陽建萬戶府以統之容米洞官田墨糾合  
蠻酋殺千戶及戍卒八十餘人俘掠良民改永順保

靖南渭安撫司爲永順等處軍民安撫司以安撫副  
使梓材爲使徃招之賜高麗國王王章功臣號改封  
瀋王改大承華普慶寺總管府爲崇祥監庚戌以鈔  
九千一百五十八錠有奇市耕牛農具給直沽酸棗  
林屯田軍戊辰太白晝見巳巳立怯憐口諸色人匠  
都總管府秩正三品提舉司二分治大都秩正五品  
江浙等處財賦提舉司秩正五品瑞州等路營民都  
提舉司秩從四品並隸章慶使司辛未賜角觥者阿  
里銀千兩鈔四百錠丙子立管領軍匠千戶所秩正  
五品割左都威衛軍匠八百隸之備興聖宮營繕增

國子生爲三百員靈壽平陰二縣雨雹鹽山寧津堂  
邑荏平陽穀高唐禹城等縣蝗五月甲申封諸王完  
者爲衛王癸巳東平人饑賑米五千石乙未加尚書  
參知政事王巖大司徒是月合肥舒城歷陽蒙城霍  
丘懷寧等縣蝗六月丁未朔詔太尉尚書右丞相脫  
虎脫太保尚書左丞相三寶奴總治百司庶務並從  
尚書省奏行戊申省上都留守司官七員以行中書  
左丞忽都不丁爲中書右丞己酉立上都中都等處  
銀冶提舉司秩正四品尚書省臣言別都魯思云雲  
州朝河等處產銀令往試之得銀六百五十兩詔立

提舉司以別都忽思爲達魯花赤庚戌立規運都總  
管府秩正三品領大崇恩福元寺錢糧置提舉司資  
用庫大益倉隸之乙卯太陰犯氐和林省言貧民自  
迤北來者四年之間靡粟六十萬石鈔四萬餘錠魚  
網三千農具二萬詔尚書樞密差官與和林省臣覈  
實給賜農具田種俾自耕食其續至者戶以四口爲  
率給之粟丁巳敕今歲諸王妃主朝會頒賚一如至  
大元年例甲子以太子詹事幹赤爲中書左丞集賢  
使領典醫監事戊辰遣使諸道審決重囚賜太師淇  
陽王月赤察兒清州民戶萬七千九百一十九安吉

王乞台普濟安吉州民戶五百壬申以西北諸王察  
八兒等來朝告祀太廟賜脫虎脫三寶奴珠衣封三  
寶奴爲楚國公以常州路爲分地乙亥陞晉王延慶  
司秩正二品是月襄陽峽州路荆門州大水山崩壞  
官廨民居二萬一千八百二十九間死者三千四百  
六十六人汝州大水死者九十二人六安州大水死  
者五十二人沂州莒州兗州諸縣水沒民田威州洛  
水肥鄉雞澤等縣旱秋七月戊寅太陰犯右執法巳  
卯太陰犯上相庚辰封皇伯晉王長女寶峇失憐爲  
韓國長公主丙戌循州大水漂廬舍二百四十四間

死者四十三人發米賑之庚寅罷稱海也可扎魯忽  
亦定王藥木忽兒乞如例設王府官六員從之癸巳  
給親民長吏考功印曆令監治官歲終驗其行蹟書  
而上之廉訪司御史臺尚書禮部考校以爲陞黜增  
尚書省客省使副各一員直省舍人十四員立河南  
打捕鷹坊魚課都提舉司秩正四品乙未中都立光  
祿寺丁酉汜水長林當陽夷陵宜城遠安諸縣水令  
尚書省賑恤之巳亥禁權要商販挾聖旨懿旨令旨  
阻礙會通河民船者壬寅詔禁近侍奉降御香及諸  
王駙馬降香者磁州威州諸縣旱蝗八月丁未以江

浙行尚書省左丞相忽剌出達授中書右丞相釐日並爲御史大夫詔諭中外甲寅白虹貫日陞尚服院從一品丙辰以行用銅錢詔諭中外甲子獵于鼎兀腦兒之地己巳以諸王只必鐵木兒貧仍以西涼府田賜之尚書省臣言今歲頒賚已多凡各位下奉聖旨懿旨令旨賜財物者請分汰有旨卿等但具名以進朕自分汰之汴梁懷孟衛輝彰德歸德汝寧南陽河南等路蝗九月己卯平伐蠻酋不老丁遣其侄與甥十人來降陞平伐等處蠻夷宣民安撫司同知陳思誠爲安撫使佩金虎符御史臺臣言江浙省丞相

荅失蠻於天壽節日毆其平章政事孛蘭奚事屬不敬詔遣使詰問之內郡饑詔尚書省如例賑恤辛巳太陰犯建星立宣慰司都元帥府於察罕腦兒之地丙戌車駕至大都保入達授平章政事辛卯太陰犯天廩壬辰皇太子言司徒劉夔乘驛省親江南大擾平民二年不歸詔罷之庚子以潭州隸中宮上都民饑敕遣刑部尚書撒都丁發粟萬石下其價賑糶之壬寅敕諸司官濫設者毋給月俸詔諭三寶奴等去歲中書省奉諸司官員遵大德十年定制濫者汰之今聞貪冗如故有不以聞而徑之任者有旨不奏而

擅令之任及之任者並逮捕之朕不輕釋冬十月甲辰朔大白經天丙午太白犯左執法三寶奴及司徒田忠良等言曩奉旨舉行南郊配位從祀北郊方丘朝日夕月典禮臣等議欲祀北郊必先南郊今歲冬至祀園丘尊太祖皇帝配享來歲夏至祀方丘尊世祖皇帝配享春秋朝日夕月寔合祀典有旨所用儀物其令有司速備之又言太廟祠祭故用瓦尊乞代以銀從之戊申帝率皇太子諸王羣臣朝興聖宮上皇太后尊號冊寶曰儀天興聖慈仁昭懿壽元皇太后庚戌恭謝太廟癸丑熒惑犯亢甲寅敕諭中外民

戶託名諸王妃主貴近臣僚規避差徭已嘗禁止自今違者俾克軍驛及築城中都郡縣官不覺察者罷職封僧亦憐真乞烈思爲文國公賜金印御史臺臣言江浙省平章烏馬兒遣人從使臣昵匝馬丁枉道馳驛取贓吏紹興獄中釋之敕臺臣遣官往鞠毋徇私情山東徐邳等處水旱以御史臺沒入贓鈔四千餘錠賑之丁巳尚書省臣言宣徽院廩給日增儲待雖廣亦不能給宜加分減帝曰比見後宮飲膳與朕無異有是理耶其令伯荅沙與宣徽院官覈實分減之庚申敕尚書省事繁重諸司有才識明達者並從

元史本紀卷二十三 三  
尚書省選任樞密院御史臺及諸有司毋輒奏用違者論罪其或私意請托罷之不敘辛酉以皇太后受尊號赦天下大都上都中都比之他郡供給煩擾與免至大三年秋稅其餘去處今歲被災人戶曾經體覆依上蠲免內外不急之役截日停罷至大二年已前民間負欠差稅課程並行蠲免濶濶出餘黨未發覺者並原其罪隨處官民田土各有所屬諸人勿得陳獻三寶奴言省部官不肯勤恪署事敕自今晨集暮退苟或怠弛不必以聞便宜罪之其到任或一月辭以病者杖罷不敘又言故丞相和禮霍孫時參

議府左右司斷事官六部官日具一膳不然則抱飢而還稽誤公事今則無以爲資乞各賜鈔二百錠規運取其息錢以爲食制可丁卯封諸王木八刺子買住韓爲克王壬申晉王也孫鐵木兒言世祖以張鐵木兒所獻地土金銀銅冶賜臣後以成宗拘收諸王所占地土民戶例輸縣官乞回賜從之仍賜鈔二千錠賑其部貧民江浙省臣言曩者朱清張瑄海漕米歲四五十萬至百十萬時船多糧少顧直均平比歲賦歛橫出漕戶困乏逃亾者有之今歲運三百萬漕舟不足遣人於浙東福建等處和顧百姓騷動本省

左丞沙不丁言其弟合八失及馬合謀但的敢浦揚家等皆有舟且深知漕事乞以爲海道運糧都漕萬戶府官各以已力輸運官糧萬戶千戶並如軍官例承襲寬恤漕戶增給顧直庶有成效尚書省以聞請以馬合謀但的爲遙授右丞海外諸蕃宣慰使都元帥領海道運糧都漕運萬戶府事設千戶所十無所設達魯花赤一千戶三副千戶二百戶四制可雲南省丞相鐵木迭兒擅離職赴都有旨詰問以皇太后旨貸免令復職以丞相鐵古迭兒爲陝西行御史臺御史大夫詔諭陝西四川雲南甘肅詔諭大司農司

勸課農桑十一月甲戌朔太白犯亢戊寅濟寧東平等路饑免曾經賑恤諸戶今歲差稅其未經賑恤者量減其半詔諭釐日移文尚書省凡憲臺除官事後勿與庚辰河南水死者給樵漂廬舍者給鈔驗口賑糧兩月免今年租賦停逋責辛巳尚書省臣言今歲已印至大鈔木一百萬錠乞增二十萬錠及銅錢兼行以備侍衛及鷹坊急有所須又言上都中都銀冶提舉司達魯花亦別都魯思去歲輸銀四千二百五十兩今秋復輸二千五百兩且言復得新礦銀富增辦乞加授嘉議大夫並從之加脫虎脫爲太師錄軍

兩府侯謝修  
國重事封義國公壬午改大崇恩福元寺規運總管  
府爲隆禧院秩從二品丁亥太陰犯畢戊子改皇太  
子妃怯憐口都總管府爲典內司以益都寧海等處  
連歲饑罷鷹坊縱獵其餘獵地並令禁約以俟秋成  
尚書省臣言雲南省臨安大理等處宣慰司麗江宣  
撫司及晉定路所隸部曲連結蠻寇殺掠良民諭之  
不服且方調兵討八百媳婦軍力消耗今擬蒙古軍  
人給馬一漢軍十人給馬二計直與之乞賜鈔三萬  
錠又言四川行省紹慶路所隸容米洞田墨連結諸  
蠻攻劫麻寮等寨方調兵討捕遣千戶塔木往諭田

墨施什用等來降宜立黃沙寨以田墨施什用爲千  
戶塔木爲河東陝西等處萬戶府千戶所達魯花赤  
廖起龍爲來寧州判官田思遠爲懷德府判官賞賚  
遣還皆從之以木清子虎張瑄子文龍往治海漕以  
所籍宅一區田百頃給之尚書省臣言昔世祖命皇  
子脫歡爲鎮南上居揚州今其子老章出入導衛僭  
竊上儀勅遣官詰問仍以所僭儀物來上從之敕城  
中都以牛車運土令各部衛士助之限以來歲四月  
十五日畢集失期者罪其部長自願以車牛輸運者  
別賞之江浙省左丞相荅失蠻江西省左丞相別不

花來朝賜世祖宮人伯牙倫金七百五十兩銀二千五百兩鈔六百錠丙申有事於南郊尊太祖皇帝配享昊天上帝己亥尚書省以武衛親軍都指揮使鄭阿兒思蘭與兄鄭榮祖段叔仁等圖爲不軌置獄難之皆誣服詔叔仁等十七人並正典刑籍役其家十二月甲辰朔以建大崇恩福元寺乞失刺逢授左丞曲列劉良逢授參知政事並領行工部事立崇輝署隸中政院戊申 寧路地震己未諭中外應避役占籍諸王者俾充軍驛鎮南王老章僭擬儀衛寃問有驗召老章赴闕

四年春正月癸酉朔帝不豫免朝賀大赦天下庚辰帝崩于玉德殿在位五年壽三十一壬午靈駕發引葬起輦谷從諸帝陵夏五月乙未文武百官也先鐵木兒等上尊謚曰仁惠宣孝皇帝廟號武宗國語曰曲律皇帝是日請謚南郊閏七月丙午祔于太廟武宗當富有之大業慨然欲創治改法而有爲故其封爵太盛而遙授之官衆錫賚太隆而泛賞之恩溥至元大德之政於是稍有變更云

至元大新之類其辭亦變更云

日世宗皇帝身自... 遼水貝勒... 帝崩于... 四年春... 帝崩于... 四年春...

元史卷二十四

本紀第二十四

南京國子監

祭酒胡

司業王

補刊

仁宗一

仁宗聖文欽孝皇帝諱愛育黎拔力八達順宗次子武宗之弟也。母曰興聖太后弘吉刺氏。至元二十二年三月丙子生。大德九年冬十月成宗不豫。中宮秉政。詔帝與太后出居懷州。十年冬十二月至懷州。所過郡縣供帳華侈。悉命撤去。嚴飭扈從。毋擾於民。且諭僉事王毅察而言之。民皆感悅。十一年春正月成

宗崩時武宗爲懷寧王。總兵北邊。戊子帝與太后聞  
哀。奔赴。庚寅至衛輝。經比干墓。顧左右曰。紂內荒於  
色。毒痛四海。比干諫紂。刳其心。遂失天下。命祠比干  
於墓。爲後世勸。至漳河。值大風雪。田叟有以孟粥進  
者。近侍卻不受。帝曰。昔漢光武嘗爲寇兵所迫。食豆  
粥。大丈夫不備嘗艱阻。往往不知稼穡艱難。以致驕  
惰。命取食之。賜叟綾一匹。慰遣之。行次邯鄲。諭縣官  
曰。吾慮衛士不法。胥吏科歛。重爲民困。乃命王傅巡  
行察之。二月辛亥至大都。與太后入內哭盡哀。復出  
居舊邸。日朝夕入哭奠。左丞相阿忽台等潛謀推皇

后伯要真氏稱制。安西王阿難荅輔之。時左丞相哈  
刺哈孫荅刺罕稱疾守宿掖門。凡三月。密持其機。陽  
許之。夜遣人啓帝曰。懷寧王遠不能猝至。恐變生不  
測。當先事而發。三月丙寅。帝率衛士入內。召阿忽台  
等。責以亂祖宗家法。命執之。鞫問辭服。戊辰伏誅。諸  
王闊闊出牙忽都等曰。今罪人斯得。太子寔世祖之  
孫。宜早正天位。帝曰。王何爲出此言也。彼惡人潛結  
宮壺。搆亂我家。故誅之。豈欲作威。覬望神器耶。懷寧  
王吾兄也。正位爲宜。乃遣使迎武宗於北邊。五月乙  
丑。帝與太后會武宗於上都。甲申。武宗卽位。六月癸

已詔立帝爲皇太子。受金寶。遣使四方。旁求經籍。識以玉刻印章。命近侍掌之。時有進大學衍義者。命詹事王約等節而譯之。帝曰。治天下此一書足矣。因命與圖象孝經列女傳並刊行。賜臣下。十一月戊寅。受玉冊。領中書省樞密院。至大元年七月。帝諭詹事曲出曰。汝舊事吾。其與同僚協議。務遵法度。凡世祖所未嘗行及典故所無者。慎勿行。二年八月。立尚書省。詔太子兼尚書令。戒飭百官有司。振紀綱。重名器。夙夜以赴事功。詹事院臣啓金州獻瑟瑟洞。請遣使采之。帝曰。所寶惟賢。瑟瑟何用焉。若此者。後勿復聞。先

是近侍言賈人有售美珠者。帝曰。吾服御雅不喜節以珠璣。生民膏血。不可輕耗。汝等當廣進賢才。以恭儉愛人相規。不可以奢靡蠹財相導。言者慚而退。淮東宣慰使撒都獻玉觀音七寶帽頂寶帶寶鞍。卻之。戒諭如初。詹事王約啓事。二宦者侍側。帝問自古宦官壞人家國有諸。約對曰。宦官善惡皆有之。但恐處置失宜耳。帝然之。九月。河間等路獻嘉禾。有異畝同穎。及一莖數穗者。命集賢學士趙孟頫繪圖藏諸秘書。四年春正月庚辰。武宗崩。壬午。罷尚書省。以丞相脫虎脫。三寶奴。平章樂實。右丞保八。左丞忙哥帖木

兒參政。王罷變亂舊章。流毒百姓。命中書右丞相塔思不花。知樞密院事。鐵木兒不花等參鞫。丙戌。脫虎脫三寶奴。樂實保八。王罷伏誅。忙哥帖木兒杖流海南。壬子。日赤如赭。罷城中。都召世祖朝諳知政務。素有聲望。老臣平章程鵬飛。董士選。太子少傅李謙。少保張驢。右丞陳天祥。尚文劉正。左丞郝天挺。中丞董士珍。太子賓客蕭剌參政。劉敏中。王思廉。韓從益。侍御趙君信。廉訪使程鉅夫。杭州路達魯花赤阿合馬。給傳詣闕。同議庶務。甲午。宥阿附。脫虎脫等左右司六部官罪。乙未。禁百官役軍人營造。及宋護私第。丁酉。

以雲南行中書省左丞相鐵木迭兒爲中書右丞相。太子詹事完澤集賢大學士李孟並平章政事。戊戌。以塔思不花及徽政院使沙沙並爲御史大夫。己亥。改行尚書省爲行中書省。庚子。減價糶京倉米。日千石。以賑貧民。停各處營造。罷廣武康里衛。追還印符驛券。墾書及其萬戶等官宣敕。辛丑。以塔失鐵木兒知樞密院事。壬寅。禁鷹坊馳驛擾民。敕中書凡傳旨非親奉者勿行。以諸王朝會。普賜金三萬九千六百五十兩銀百八十四萬九千五百兩鈔二十二萬三千二百七十九錠。弊帛四十七萬二千四百八十八匹。

二月復玉宸樂院爲儀鳳司改延慶司爲都功德使  
司乙巳命和林江浙行省依前設左丞相餘省唯置  
平章二員遙授職事勿與戊申罷運江南所印佛經  
辛亥禁諸王駙馬權豪擅據山場聽民樵採罷阿老  
瓦丁買賣浙鹽供中政食羊禁宣政院違制度僧甲  
寅遣使檢覈小雲石不花所獻河南荒田司徒蕭珍  
以城中都微功毒民命追奪其符印令百司禁錮之  
還中都所占民田罷江南行通政院行宣政院甲子  
太陰犯填星陞典內司爲典內院秩從二品命中書  
平章李孟領國子監學諭之曰學校人林所自出

等宜數詣國學課試諸生勉其德業敕諸王駙馬戶  
在縉山懷來永興縣者與民均服徭役諸司擅奏除  
官者毋給宣敕御史臺臣言白雲宗總攝所統江南  
爲僧之有髮者不養父母避保損民乞追收所受璽  
書銀印勒還民籍從之罷福建綉匠河南魚課兩提  
奉司省宣徽院參議斷事官丙寅監察御史言比者  
尚書省臣蠹國亂政已正典刑其餘黨附之徒布在  
百司亦須次第沙汰今中書奏用孛羅鐵木兒爲陝  
西平章烏馬兒爲江浙平章闊里吉思爲甘肅平章  
塔失帖木兒爲河南參政萬僧爲江浙參政各人前

任皆受重贓。或挾勢害民。咸乞罷黜。制曰可。丁卯命西番僧非奉璽書驛券及無西蕃宣慰司文牒者勿輒至京師。仍戒黃河津吏驗問禁止。罷總統所及各處僧錄僧正都綱司。凡僧人訴訟悉歸有司。罷仁虞院。復置鷹坊總管府。庚子命廣西靜江融州軍民官鎮守三載無虞者。民官減一資。軍官陞一階。著爲令。思州軍民宣撫司招諭官唐銓以洞蠻楊正思等五人來朝。賜金帛有差。立淮安忠武王伯顏祠於杭州。仍給田以供祀事。是月帝謂侍臣曰。郡縣官有善有惡。其命臺官選正直之人爲廉訪司官而體察之。果

有廉能愛民者。不次擢用。則小人自知激厲矣。旌表漳州長泰縣民王初應孝行。三月庚辰召前樞密副使吳元珪左丞拜降兀伯都刺至京師。同諸老臣議事。丙戌太陰犯太微上相罷玉臺行。工部已丑命母赦十惡大逆等罪。復典瑞院爲典瑞監。庚寅卽皇帝位。於大明殿受諸王百官朝賀。詔曰。惟昔先帝事皇太后。撫朕妙躬。孝友天至。由朕得託順考。遣體重以母弟之嫡。加有削平內難之功。於其踐阼。曾未踰月。授以皇太子寶。領中書令樞密使。百揆機務。聽所總裁。于今五年。先帝奄棄天下。勳戚元老咸謂大寶之承。

兩廂侯謝補修  
既有成命。非與前聖。賓天而始徵集。宗親議所宜立者。比當稽周漢晉唐故事。正位宸極。朕以國恤方新。誠有未忍。是用經時。今則上奉皇太后。勉進之命。下徇諸王勸戴之勤。三月十八日。於大都大明殿。即皇帝位。凡尚書省誤國之臣。先已伏誅。同惡之徒。亦已放殛。百司庶政。悉歸中書。命二相鐵木迭兒。平章政事李道復等。從新拯治。可大赦天下。敢以赦前事。相告言者。罪以其罪。諸衙門及近侍人等。毋隔越中書。奏事。諸上書陳言者。量加旌擢。其僥倖獻地土并山塲。窰冶及中寶之人。並禁止之。諸王駙馬。經過州郡。

不得非理需索。應和顧和買。隨即給價。毋困吾民。辛卯。禁民間製金箔銷金織金。以御史中丞李士英為中書左丞。壬辰。發京倉米減價。以糶賑貧民。丁酉。命月赤察兒依前太師宣徽使。鐵哥為太傅。集賢大學士曲出為太保。敕百司改陞品級者。悉復至元舊制。己亥。增置左翼右翼指揮各一員。寧夏路地震。是月。帝諭省臣曰。卿等哀集中。統至光以來。條章擇曉。法律老臣斟酌。重輕折衷歸一。頒行天下。俾有司遵行。則抵罪者庶無冤抑。又諭太府監臣曰。財用足則可以養萬民。給軍旅。自今雖一縉之微。不言於朕。毋輒

與人。以陝西行尚書省左丞兀伯都刺為中書右丞  
昭文館大學士察罕參知政事中書平章政事知樞  
密院事床兀兒欽察親軍都指揮使脫火赤拔都兒  
中書右丞相知樞密院事鐵木兒不花錄軍國重事  
知樞密院事也速知樞密院事兼山東河北蒙古軍  
都萬戶也先鐵木兒遙授左丞相仁虞院使也兒吉  
太子詹事月魯鐵木兒並知樞密院事賜大都路民  
年九十者二千三百三十一人人帛二匹八十者八  
千三百三十一人人帛一匹夏四月壬寅詔分汰宿  
衛士漢人高麗南人冒入者還其元籍癸卯崇星于

回回司天臺以即位恩賜太師太傅太保人金五十  
兩銀三百五十兩衣四襲行省臣預朝會者賞銀有  
差丁未以太子少保張驢為江浙平章戒之曰以汝  
先朝舊人故命汝往民為邦本無民何以為國汝其  
上體朕心下愛斯民戊申以即位告天地于南郊庚  
戌拘收下番將校不與兵者虎符符牌癸丑詔路府  
州縣官三年為滿罷典醫監甲寅太陰犯亢熒惑犯  
壘壁陣丙辰詔諭宣徽使亦列赤諸蒙古民有貧乏  
者發廩濟之丁巳罷中政院戊午以即位告于太廟  
辛酉敕國子監師儒之職有才德者不拘品級雖布

衣亦選用。癸亥敕諸使臣非軍務急速者毋給金字圓牌。定四宿衛士歲賜鈔二十四萬二百五錠。罷中都留守司。復置隆興路總管府。九創置司存悉罷之。乙丑封知樞密院事鐵木兒不花爲宣寧王。賜銀印。丁卯詔曰：我世祖皇帝參酌古今立中統至元鈔法。天下流行公私蒙利五十年于茲矣。比者尚書省不究利病輒意變更。既創至大銀鈔又鑄大元至大銅錢鈔。以倍數太多輕重失宜。錢以鼓鑄弗給。新舊恣用。曾未再期其弊滋甚。爰咨廷議允協輿言。皆願變通以復舊制。其罷資國院及各處泉貨監提舉司買賣。

銅器聽民自便。應尚書省已發各處至大鈔本乃至大銅錢。截日封貯。民間行使者赴行用庫倒換。仍免大都上都隆興差稅三年。命中書省賑濟甘肅過川軍罷僧道也里可溫答失蠻頭陀白雲宗諸司。改封親王迭里哥兒不花爲湘寧王。賜金印。食湘鄉州寧鄉縣六萬五千戶。拘還甘肅陝西遼陽省臣所佩虎符。禁鷹坊擾民。罷通政院以其事歸兵部。增置尚書員外郎各一員。罷回回合的司屬帝御便殿李孟進。曰：陛下御極物價頓減。方知聖人神化之速。敢以爲賀。帝蹙然曰：卿等能盡力贊襄使兆民乂安。庶幾天

心克享。至於秋成，尚未敢必。今朕踐阼，曾未踰月，寧有物價頓減之理。朕托卿甚重，茲言非所賴也。孟愧謝帝諭，集賢學士忽都魯都兒迷失曰：向召老臣十人所言治政，汝其詳譯以進。仍諭中書悉心舉行。南陽等處風雹，五月壬申，以宦者鉄昔里爲利用監卿。癸酉，入百媳婦蠻與大小徹里蠻寇邊，命雲南王及右丞阿忽台以兵討之。改封乳母夫壽國公楊德榮爲雲國公。丙子，命翰林國史院纂脩先帝實錄及累朝皇后功臣列傳，俾百司悉上事蹟。丁丑，禁母以毒藥釀酒。庚辰，敕中書省裁省冗司，置高昌王傳復度。

支院爲監罷泉府司長信院司禋監。辛巳，賜大長公主祥哥刺吉鈔二萬錠。壬午，制定翰林國史院承旨五員，學士侍讀侍講直學士各二員，拘諸王附馬及有司驛券。自今遣使悉從中書省給降，置祥和署掌伶人金齒諸國獻馴象。癸未，太陰犯氏，賜國師板的咎鈔萬錠，以建寺于舊城。戊子，羅鬼蠻來獻方物。甲午，復太常禮儀院爲太常寺。是月，禁民捕鴛鵝。六月，癸卯，敕宣政院凡西番軍務必移文樞密院同議，以聞吐蕃犯永福鎮，敕宣政院與樞密院遣兵討之。乙巳，命侍臣咨訪內外才堪佐國者，悉以名聞。仍戒敕

諸王恪恭乃職丙午以內侍楊光祖爲秘書卿譚振宗爲武備卿關居仁爲尚乘卿並授弘文館學士置湘寧王迭里哥兒不花王傅丁未太陰犯太微東垣上相巴西詔存恤軍人庚戌太陰犯氏壬子敕甘肅省給過川軍牛種農器令屯田癸丑復太府院爲太府監省上都兵馬指揮爲五員甲寅封亦思丹爲懷仁郡王賜銀印丁巳敕翰林國史院春秋致祭太祖太宗睿宗御容歲以爲常命和林行省右丞孛里馬速忽經理稱海屯田大同路宣寧縣民家產犢而歿頗類麒麟車載以獻左右曰古所謂瑞物也帝曰五

穀豐熟百姓安業乃爲瑞也已未復置長信寺封樞密臣孛羅爲澤國公庚申敕自今諸司白事須殿中侍御史侍側癸亥賜晉王也孫鉄木兒鈔五千錠幣帛各二千匹太尉不花金百兩復雲州銀場提舉司置儀鸞局秩皆五品甲子請太行皇帝謚于南郊上尊謚曰仁惠宣孝皇帝廟號武宗丙寅拘收泉府司元給諸商賈璽書丁卯罷只合赤八刺合孫所造上供酒戊辰敕諸王朝會後至者如例給賜己巳衛王阿木哥入見帝諭省臣曰朕與阿木哥同父而異母朕不撫育彼將誰賴其賜鈔二萬錠他勿援例帝覽

貞觀政要論翰林侍講阿林鉄木兒曰此書有益於  
國家其譯以國語刊行俾蒙古色目人誦習之濟寧  
東平歸德高唐徐邳諸州水給鈔賑之河間陝西諸  
縣水旱傷稼命有司賑之仍免其今年租諸王塔刺  
馬的遣使進馴象秋七月辛未朔拘還遼陽省官提  
調諸事圓符璽書驛券裁減虎賁司職員賜上都宿  
衛士貧乏者鈔十三萬九千錠丁丑鞏昌寧遠縣基  
雨山土流涌敕內外軍官並軍官一等癸未甘州地  
震大風有聲如雷以朝會恩賜諸王禿滿金百五十  
兩銀五千二百五十兩幣帛三千匹乙酉賜湘寧王

迭里哥兒不花所部鈔三萬二千錠癸巳太陰掩畢  
甲午置經正監掌蒙古軍牧地秩正三品官五員丁  
酉太陰犯鬼距星巳亥詔諭省臣曰朕前戒近侍毋  
輒以文記傳旨中書自今敢有犯者不須奏聞直捕  
其人付刑部究治敕御史臺臣選更事老成者爲監  
察御史超授中散大夫典內院使字叔榮祿大夫是  
月江陵屬縣水民死者衆太原河間真定順德彰德  
大名廣平等路德濮恩通等州霖雨傷稼大寧等路  
隕霜敕有司賑恤閏七月辛丑命國子祭酒劉廣詣  
曲阜以太牢祠孔子甲辰車駕將還大都太后以秋

稼方盛勿令鷹坊馳人衛士先往庶免害稼擾民敕禁止之樞密院奏居庸關古道四十有三軍吏防守之處僅十有三舊置千戶位輕責重請置隆鎮萬戶府俾嚴守脩制曰可崇五星於司天臺以故魯王刁幹八刺適子阿禮嘉世禮襲其封爵分地乙巳以朝會恩賜月赤察兒床兀兒金二百兩銀二千八百兩幣帛有差丙午奉武宗神主祔于太廟戊申封李孟秦國公命亦憐真乞刺思爲司徒己酉吐番寇禮店文州命摠帥亦憐真等討之辛亥以西僧藏不班八爲國師賜玉印戊午復置司禋監己未詔諭省臣曰

國子學世祖皇帝深所注意如平章不忽木等皆蒙古人而教以成材朕今親定國子生額爲三百人仍增陪堂生二十人通一經者以次補伴讀著爲定式敕軍官七十致仕始聽子弟承襲其有未老卽託疾引年令幼弱子弟襲職者除名不敘其巧計求遷者以違制論壬戌命賑卹嶺北流民上都立通政院領蒙古諸驛秩正二品甲子寧夏地震乙丑魯國大長公主祥哥刺吉進號皇姊大長公主遣使招諭黑水白水等蠻十二萬餘戶來降丙寅太陰犯軒轅賜諸王阿不花等金二百兩銀七百五十兩鈔一萬三千

六百三十錠幣帛各有差。丁卯完澤李孟等言：方今進用儒者而老成日以凋謝，四方儒士成才者請擢任國學翰林秘書太常或儒學提舉等職，俾學者有所激勸。帝曰：卿言是也。自今勿限資級，果才而賢，雖白身亦用之。敕直省舍人以其半給事殿庭，半聽中書差遣。禁醫人非選試及著籍者，毋行醫藥。大同宣寧縣雨雹積五寸，苗稼盡殞。八月己巳朔，裁定京朝諸司員數，並依至元三十年舊額。楚王牙忽都所部乏食，給鈔萬錠，出粟五千石賑之。賜環衛圍人鈔三萬錠，以近侍曲列失爲戶部尚書。甲戌，賜皇姊大長

公主鈔萬錠。丙戌，安南世子陳日袞奉表以方物來貢。敕西番軍務隸宣政院。九月己亥朔，遙授左丞相不花進太尉。丙午，遙授湖廣平章安南國王陳益稷入見。言臣自世祖朝來歸，妻子皆爲國人所害。朝廷授以王爵，又賜漢陽田五百頃，俾自贍以終餘年。今臣年幾七十，而有司拘臣所受田，就食無所。帝謂省臣曰：安南國王慕義來歸，宜厚其賜，以懷遠人。其進勲爵受田如故。戊申，禁民彈射飛鳥，殺馬牛羊當乳者。禁衛士不得私衣侍宴服，及以質於人。庚戌，命樞密院閱各省軍馬。壬子，改元皇慶。詔曰：朕賴天地祖

天啓二年刊  
宗之靈。慕承聖緒。永惟治古之隆。羣生成遂。國以乂寧。朕夙興夜寐。不敢怠遑。任賢使能。興滯補闕。庶其臻茲。歛時五福。用敷錫厥庶民。朕之志也。踰年改元。厥有彝典。其以至大五年。爲皇慶元年。都水監卿木入刺沙傳旨。給驛往取杭州所造龍舟。省臣諫曰。陛下踐詐誕告天下。凡非宣索。毋得擅進。誠取此舟。有乖前詔。詔止之。復置中官位下。怯憐口諸色民匠。打捕鷹坊都總管府秩正三品。乙卯太陰犯畢。丁巳奉太后旨。以永平路歲入除經費外。悉賜營國大長公主。給雲南王老的部屬馬價一萬二千錠。丙寅敕省。

部官勿托以宿衛廢職。罷西番茶提舉司。是月江陵路水漂民居溺死十有八人。冬十月戊辰朔。有事於太廟。己巳敕繪武宗御容。奉安大崇恩福元寺。月四上祭。辛未賜大普慶寺金千兩銀五千兩鈔萬錠。西錦綵段紗羅布帛萬端。田八萬畝。邸舍四百間。丁丑禁諸僧寺毋得冒侵民田。辛巳罷宣政院。理問僧人詞訟。以蘄縣萬戶府鎮慶元。紹興沿海萬戶府鎮處州宿州萬戶府兼鎮台州。戊子省海道運糧萬戶爲六員。千戶爲七所。特授故太師月兒魯子木刺忽榮祿大夫知樞密院事。辛卯罷諸王斷事官。其蒙古人

元史本紀三十四 五  
犯盜詐者命所隸千戶鞠問壬辰詔收至大銀鈔救  
諸衛漢軍練習武事置羣牧監秩正三品掌興聖宮  
位下畜牧癸巳詔置汴梁平江等處田賦提舉司掌  
大承華普慶寺貲產給雲南增戍軍鈔二萬五千錠  
丙申太白犯壘壁陣十一月戊戌封司徒買僧爲趙  
國公辛丑命延安鳳翔安西軍屯田紅城者還陝西  
屯田救商稅官盜稅課者同職官贓罪立乖西府以  
土官阿馬知府事佩金符李孟奏錢糧爲國之本世  
祖朝量入爲出恒務樸節故倉庫充切今每歲支鈔  
六百餘萬錠又土木營繕百餘處計用數百萬錠內

降旨賞賜復用三百餘萬錠北邊軍需又六七百萬  
錠今帑藏見貯止十一萬餘錠若此安能周給自今  
不急浮費宜悉停罷帝納其言凡營繕悉罷之辛亥  
諸王不里牙屯等誣八不沙以不法詔竄不里牙屯  
禿于于河南因忽乃于楊州納里于湖廣太那于江  
西班出兀那于雲南壬子賑欽察衛糧五千七百五  
十二石甲寅太陰犯輿鬼戊午禁漢人回回術者出  
八諸王駙馬及大臣家己未以遼陽省平章政事合  
散爲中書平章政事甲子敕增置京城米四十所日  
平糶八百石以賑貧民丙寅加徽政使羅源爲大司

徒賑諸軍糧七千六十石十二月辛未增置經正監  
官爲八員置尚牧所秩五品掌太官羊癸酉封宣政  
會福院使暗普爲秦國公增置兵部侍郎郎中各一  
員庚辰太白經天復以陝西屯田軍三千隸紅城萬  
戶府壬午詔曰今歲不登民何以堪春蒐其勿令供  
億癸未太白經天甲申太陰犯太微西垣上將浙西  
水災免漕江浙糧四分之一存留賑濟命江西湖廣  
補運輸京師占城遣使奉表貢方物庚寅申禁漢人  
持弓矢兵器田獵曲赦大都大辟囚一人并流以下  
罪辛卯裁宗正府官爲二十八員遣官監視焚至大

鈔壬辰太白經天敕朔設邊遠官員俟到任方降敕  
牒乙未命李孟整飭國子監學中書省臣言世祖定  
立選法陞降以示激勸今官未及考或無故更代或  
躡等進階僭受國公丞相等職諸司已裁而復置者  
有之今春以內降旨除官千餘人其中欺僞豈能悉  
知壞亂選法莫此爲甚帝曰凡內降旨一切勿行賜  
濟王朶列納印以和林稅課建延慶寺詔諭安南國  
世子陳日峯曰惟我祖宗受天明命撫有萬方威德  
所加柔遠能邇乃者先皇帝龍馭上賓朕以王侯臣  
民不釋之故於至大四年三月十八日卽皇帝位遵

踰年改元之制以至大五年爲皇慶元年今遣禮部尚書乃馬台等賫詔往諭仍頒皇慶元年曆日一本卿其敬授人時益修臣職毋替爾祖事大之誠以副朕不忘柔遠之意

皇慶元年春正月庚子帝諭御史大夫塔思不花曰凡大臣不法卿等劾奏毋避朕自裁之癸卯敕諸僧犯奸盜詐僞鬪訟仍令有司專治之甲辰授大師錄軍國重事知樞密院事脫兒赤顏開府儀同三司嗣淇陽王戊申改隆鎮萬戶府爲隆鎮衛庚戌封知樞密院事醜漢爲安遠王出總北軍壬子敕軍不滿五

千者勿置萬戶癸丑大陰犯太微東垣上將旌表廣州路番禺縣孝子陳韶孫戊午制諸王設王傅六員銀印其次設官四員改封濟王朶列納爲吳王賜衛王阿木哥慶元路定海縣六萬五千戶加崇福使也里牙秦國公巳未陞崇祥監爲崇祥院秩正二品壬戌陞翰林國史院秩從一品帝諭省臣曰翰林集賢儒臣朕自選用汝等毋輒擬進人言御史臺任重朕謂國史院尤重御史臺是一時公論國史院實萬世公論二月丁卯朔徙大都路學所置周宣玉石鼓于國子監敕稱海屯內漢軍存恤二年庚午西北諸王

也先不花遣使貢珠寶皮幣馬駝賜鈔一萬三千六百錠辛未改安西路爲奉元路吉州路爲吉安路壬申以霸州文安縣屯田水患遣官疏決之遣使賜西僧金五千兩銀二萬五千兩幣帛三萬九千九百匹甲戌制定封贈名爵等級著爲令改和林省爲嶺北省丙子給稱海屯田牛二千賜晉王也孫鉄木兒南康路戶六萬五千世祖諸皇子也先鉄木兒福州路福安縣脫歡之子不荅失里福州路寧德縣忽都魯鉄木兒之子泉州路南安縣愛牙赤之子邵武路光澤縣戶並一萬三千六百有四食其歲賦已卯置衛

龍都元帥府秩正二品以古阿速衛隸之八百媳婦來獻副象二壬午太陰犯亢封孛羅爲永豐郡王置德安府行用鈔庫罷莊浪州唐戶千戶所丙戌省樞密斷事官爲八頁庚寅敕嶺北省賑給闕食流民敕兩淮民種荒田者如例輸稅遣官同江西江浙省整治茶鹽法賜韓國公主普達實憐鈔萬錠詔勉勵學校賑山東流民至河南境者通澠州饑賑糧兩月三月丁酉朔災惑犯東井陞給事中秩正三品罷諸王大臣私第營繕戊戌右丞相鐵木迭兒言自今左右司六部官有不盡心初則論決不悛則黜而不叙制曰

可省女二水達達萬戶府冗員棘諸王脫脫所招戶  
其未藉者俾隸有司乙亥以生日爲天壽節庚子加  
御史大夫火尼赤開府儀同三司罷衛龍都元帥府  
壬寅太陰犯東井敕歸德亳州以憲宗所賜不憐吉  
帶地一千七十三頃還其子孫丙子敕北邊使者非  
軍機毋給驛丁未置內正司秩正三品卿少卿丞各  
一員戊申陞典內院秩正二品以前河南行省平章  
政事塔失海牙爲御史大夫改翰林國史院司直司  
爲經歷司置經歷都事各一員置五臺寺濟民局秩  
從五品賜安王完澤及其子金三百兩銀一千二百

五十兩鈔三千五百錠賜汴梁路上方寺地百頃濠  
陽省增置灤陽寬河驛甲寅西北諸王也先不花等  
遣使以橐駝方物入責丙辰封同知徽政院事弊不  
闌奚爲趙國公庚申敕簡汰大明宮興聖宮宿衛甲  
子給北軍弊帛二十萬匹遣戶部尚書馬兒經理河  
南屯田乙丑命河南省建故丞相阿木祠堂封諸王  
塔思不花爲恩平王夏四月丁卯簡汰控鶴還本藉  
以都水監隸大司農寺置察罕腦兒捕盜司秩從七  
品庚午命浙東都元帥鄭祐同江浙軍官教練水軍  
辛未給鈔萬錠修香山永安寺趙王汝安郡告郡賑

糧八百石陞保定路萬戶府爲上萬戶癸酉車駕幸上都丙子太白晝見封鄆國大長公主忙哥台爲大長公主賜金印增地可扎魯忽赤爲四十二員壬午熒惑犯輿鬼敕皇子碩德八剌置四宿衛敕僧人田除宋之舊有并世祖所賜外餘悉輸租如制阿速衛指揮那懷等冒增衛軍六百名盜支糧七千二百石弊帛一千二百匹鈔二百八錠敕中書樞密按治封知樞密院事木剌忽爲廣平王癸未熒惑犯積屍氣庚寅太白經天大崇恩福元寺成置隆禧院龍興新建縣霖雨傷禾彰德安陽縣蝗五月丙申朔以中書

平章政事合散爲中書左丞相江浙行省平章張驢爲中書平章政事知樞密院事也先鉄木兒授開府儀同三司壬寅諸王脫忽思海迷失以農時出獵擾民敕禁止之自今十月方許出獵改和林路爲和寧路賜諸王阿木哥鈔萬錠速速迭兒按麻思等各千錠以蒙古驛隸通政院置濮陽王脫脫木兒王傳官四員給上都灤陽驛馬三百疋己未縉山縣行宮建涼殿己未以西寧州田租稅課賜太長公主忙古台賑宿衛士糧二萬石陞回回司天臺秩正四品彰德河南隴西雹六月乙丑朔日有食之丁卯天雨毛已

巳太陰犯天關敕李孟博選中外才學之士任職翰  
林給羊馬鈔價濟嶺北甘肅戍軍之貧者壬申減四  
川監額五千引賜崇福寺河南官地百頃丁亥敕罷  
封贈誠左右守法度勤職業勿妄僥倖加官賜安遠  
王醜漢金百兩銀五百兩鈔千錠鞏昌河州等路饑  
免常賦二分秋七月辛丑定內正司官爲六員禁諸  
王徑宣旨於各路徙中都內帑金銀器歸太府監賜  
新店諸驛鈔三千八百錠充使者餼廩癸卯詔獎勵  
御史臺丙午陞大司農司秩從一品帝諭司農曰農  
桑衣食之本汝等舉諳知農事者用之敕諸王小薛

部歸晉寧路襄垣縣民田中書參政賈鈞以病請告  
賜鈔三百錠給安車還鄉戊午太陰犯東井八月丁  
卯敕探馬赤軍羊馬牛依舊制百稅其一戊辰太白  
犯軒轅辛未太陰犯填星丁丑罷司禋監巳卯以吏  
部尚書許師敬爲中書參知政事庚辰車駕至自上  
都壬午辰星犯右執法置少府監隸大都留守司甲  
申賜諸王闊闊出金束帶一銀百五十兩鈔二百錠  
乙酉太白犯右執法辛卯敕雲南省右丞阿忽台等  
領蒙古軍從雲南王討八百媳婦蠻濱州旱民饑出  
利津倉米二萬石減價賑糶寧國路涇縣水賑糧二

月安南國王陳益稷來朝九月丁酉增江浙海漕糧  
二十萬石戊戌罷征八百媳婦蠻大小徹里蠻以重  
書招諭之辛丑命司徒田忠良等詣真定玉華宮祀  
睿宗御容八百媳婦大小徹里蠻獻馴象及方物甲  
辰陞參議中書省事阿卜海牙爲參知政事拘火者  
等所佩國公司徒印丁巳太陰犯亢壬戌瓊州黎賊  
嘯聚遣官招諭冬十月甲子有事于太廟改隆興路  
爲興和路賜銀印雲南行省右丞筭只兒威有罪國  
師搠思吉幹節兒奏請釋之帝斥之曰僧人宜誦佛  
書官事豈當與耶癸未以中書參知政事察罕爲中

書平章政事商議中書省事丁亥太陰犯平道戊子  
太陰犯亢翰林學士承旨玉連赤不花等進順宗成  
宗武宗實錄罷造船提舉司辛卯赦天下賜李孟潞  
州田二十頃十一月戊戌調汀漳畬軍代亳州等翼  
漢軍於本處屯田己亥太陰犯壘壁陣甲辰捕滄洲  
群盜阿失荅兒等擒之支解以狗丙午諭六部官毋  
踰越中書奏事丙辰封駙馬脫脫木兒爲岐王庚申  
賜諸王寬徹忽荅迷失金百五十兩銀一千五百兩  
鈔三千錠幣帛有差占城國進犀象緬國主遣其婿  
及雲南不農蠻酋長岑福來朝十二月癸亥中書平

章政事李孟致仕以樞密院副使張珪爲中書平章  
事癸酉遣使分道決囚壬申晉王也孫鉄木兒所部  
告飢賑鈔一萬五千錠庚辰知樞密院事荅失蠻罷  
省海道運糧萬戶一員增副萬戶爲四員甲申熒惑  
填星辰星聚斗鷹坊不花即列請往河南湖廣括取孔  
雀珍禽敕以擾民不允丁亥遣官祈雪于社稷嶽鎮  
海瀆省臣言中書職在總挈綱維比者行省六部諸  
司應決不決者徃徃作疑咨呈以致文繁事弊詔體世  
祖立中書初意定擬程式以聞俾遵行之敕回回合  
的如舊祈福凡詞訟悉歸有司仍拘還先降壘書戊

子太陰犯熒惑已丑宗王女班丹給驛取江南田租  
命拘還驛券是月諸王春丹叛

二年春正月甲午以察罕腦兒等處宣慰使伯忽爲  
御史大夫辛丑封前尚書右丞相乞台普濟爲安吉  
王丙午寧王闊闊出薨丁未以太府卿禿忽魯爲中  
書右丞相戊申太陰犯三公己未置遼陽行省儒學  
提舉司二月壬戌改典內院爲中政院秩正一品甲  
子以皇后受冊寶遣官祭告天地於南郊及太廟丁  
丑日赤如赭己卯免徵益都飢民所貸官糧二十萬  
石各寺修佛事日用羊九千四百四十敕遵舊制易

以蔬食命張珪綱領國子學庚辰冀寧路饑禁釀酒  
辛巳詔以錢糧造作訴訟等事悉歸有司以清中書  
之務壬午西北諸王也先不花進馬駝璞玉丁亥敕  
外任官應有公田而無者皆以至元鈔給之以垂西  
府隸播州宣撫司功德使亦憐真等以佛事奏釋重  
囚不允帝諭左右曰回回以寶玉鬻於官朕思此物  
何足爲寶唯善人乃可爲寶善人用則百姓安茲國  
家所宜寶也丙申以御史中丞脫歡荅刺罕爲御史  
大夫庚子熒惑犯壘壁陣以晉寧大同大寧四川鞏  
昌甘肅饑禁酒丙午冊立皇后弘吉刺氏詔天下丁

未彗出東井壬子禿忽魯言臣等職專燮理去秋至  
春亢旱民間乏食而又隕霜雨沙天文示變皆由不  
能宣上恩澤致茲災異乞黜臣等以當天心帝曰事  
豈關汝輩耶其勿復言御史中丞郝天挺上疏論時  
政帝嘉納之賜西僧搠思吉斡節兒鈔萬錠丙辰以  
皇后受冊寶遣官恭謝太廟以亢旱旣久帝於宮中  
焚香默禱遣官分禱諸祠其雨大注詔敦諭勸課農  
桑夏四月甲子崇星于司天臺癸酉賜壽寧公主橐  
駝三十六乙亥車駕幸上都丙子高麗王辭位以其  
世子王燾爲征東行中書省左丞相上柱國封高麗

元史本紀卷三十四 三十五  
國王辛巳加御史大夫伯忽開府儀同三司太傅壬午置中瑞司秩正四品甲申詔遴選賢士纂修國史乙酉御史臺臣言富人寅緣特旨濫受官爵徽政宣徽用人率多罪廢之流近侍託爲貧乏互奏恩賞西僧以作佛事之故累釋重囚外任之官身犯刑憲輒營求內旨以免罪諸王駙馬寺觀臣僚土田每歲徵租亦極爲擾民請悉革其弊制曰可詔罷不急之役真定保定河間大寧路饑並免今年田租十之三仍禁釀酒安南國遣使來貢方物五月辛丑陞中書右丞兀伯都剌爲平章政事左丞八剌脫因爲右丞參知

政事阿卜海牙爲左丞參議中書省事禿魯花鉄木兒爲參知政事順德冀寧路饑辰州水賑以米鈔仍禁釀酒檀州及獲鹿縣蝻六月巳未朔京師地震癸亥禿忽魯等以災異乞賜放黜不允丙寅京師地震辛未以參知政事許思敬綱領國子學乙亥詔諭僧俗辨訟有司及主僧同問續置土田如例輸稅丙子賜諸王按灰金五十兩銀七百五十兩金束帶一帑帛各四十匹巳卯河東廉訪使趙簡言請選方正博洽之士任翰林侍讀侍講學士講明治道以廣聖聽從之御史臺臣言比年廉訪司多不悉心奉職宜令

監察御史檢覈名實而黜陟之廣海及雲南甘肅地  
遠遷調者憚弗肯往乞今後加一等官之制曰可壬  
午命監察御史檢察監學官考其殿最癸未命委官  
簡汰衛士甲申建崇文閣於國子監給馬萬疋與  
王南忽里等軍士之貧乏者以宋儒周敦頤程顥  
弟頤張載邵雍司馬光朱熹張栻呂祖謙及故中書  
左丞許衡從祀孔子廟廷上都民饑出米五千石減  
價賑糶河決陳亳睢州開封陳留縣沒民田廬秋七  
月己丑朔歲星犯東井辛卯太白晝見癸巳以作佛  
寺釋囚徒二十九人賜宣寧王鉄木兒不花幣帛百

二十匹安遠王亦思丹等各百匹保定真定河間民  
流不止命所在有司給糧兩月仍悉免今年差稅諸  
被災地並弛山澤之禁獵者毋入其境甲午置權茶  
批驗所并茶由局官乙未太白晝見庚子立長秋寺  
掌武宗皇后宮政秩三品敕衛王阿木哥歲賜外給  
鈔萬錠賜駙馬脫鉄木兒金百五十兩銀七百五十  
兩鈔二千錠幣帛五十匹辛丑復立四川等處儒學  
提舉司壬寅京師地震免大寧路今歲鹽課丁未賜  
諸王火羅思迷脫歡南忽里駙馬忙兀帶金二百兩  
銀一千二百兩鈔一千六百錠幣帛各有差巳酉改

淮東淮西道宣慰司爲淮東宣慰司以淮西三路隸  
河南省敕守令勸課農桑勤者陞遷怠者黜降著爲  
令丙辰太白晝見丁巳太白經天雲州蒙古軍乏食  
戶給米一石興國屬縣蝻發米賑之八月戊午朔太  
白晝見揚州路崇明州大風海潮泛溢漂沒民居壬  
戌歲星犯東井丁卯車駕至自上都庚午以侍御史  
薛居敬爲中書參知政事壬午太陰犯輿鬼九月以  
相兒加思巴爲帝師癸巳以宣徽院使完澤知樞密  
院事戊申封脫歡爲安定王賜金印敕鎮江路建銀  
山寺勿徙寺傍坐冢京師大旱帝問弭災之道翰林  
學士程鉅夫舉湯禱桑林事帝獎諭之冬十月己卯  
勅中書省議行科舉封不谷滅里爲安德王辛未徙  
崑山州治于太倉昌平縣治于新店癸未以遼陽路  
之懿州隸遼陽行省復置蒙陰縣隸莒州乙酉旌表  
高州民蕭父妻趙氏貞節免其家科差壬寅敕漢人  
南人高麗人宿衛分司上都勿給弓矢甲辰行科舉  
詔天下以皇慶三年八月天下郡縣與其賢者能者  
充貢有司次年二月會試京師中選者親試于廷賜  
及第出身有差帝謂侍臣曰朕所願者安百姓以圖  
至治然匪用儒士何以致此設科取士庶幾得真儒

之用而治道可興也。十二月辛酉，可里馬丁上所編萬年曆，發米五千石賑阿只吉部之貧乏者。海都都哇屬戶內附敕，所在給衣糧。丙子，定百官致仕資格。甲申，詔飭海道漕運萬戶府京師，以久旱民多疾疫，帝曰：「此皆朕之責也。」赤子何罪？明日大雪，以嘉定州德化縣民災，發粟賑之。

本紀卷第二十四

元史卷第二十五

南京國子監祭酒侯恪

司業謝德溥補修

仁宗二

延祐元年春正月丁亥，授中書右丞劉正平章政事。商議中書省事。丙申，除四川酒禁。興元鳳翔涇州邠州歲荒，禁酒。庚子，敕各省平章為首者及漢人省臣一員，專意訪求遺逸。苟得其人，先以名聞，而後致之。以江淞行中書省左丞高昉為中書參知政事。丁未，詔改元延祐，釋天下流以下罪囚，免上都大都差稅。

二年其餘被災曾經賑濟人戶免差稅一年庚戌中書省臣禿魯忽等以災變乞罷免不允二月庚申立印經提舉司戊辰太寧路地震癸酉熒惑犯東井甲戌以侍御史趙世延爲中書參知政事詔免蒙古地差稅二年商賈勿免己卯給鈔六千三百錠賑濟良鄉諸驛壬午以合散爲中書右丞相監修國史癸未以中書參政高昉爲集賢學士三月壬辰太陰掩熒惑賜諸王塔失蒙古鈔千錠衣二襲戊戌真定保定河間民饑給糧兩月己亥白暈亘天連環貫日癸卯暹國王遣其臣愛耽入責改南劔路曰延平劔浦縣

曰南平乙巳以僧人作佛事擇釋獄囚命申書審察丙午封阿魯禿爲趙王戊申車駕幸上都巴酉赦奸民官其子爲闈宦謀避徭役者罪之辛亥命參知政事趙世延綱領國子學癸丑中書平章政事察罕致仕晉寧民侯喜兒昆弟五人並坐法當死帝嘆曰彼一家不幸而有是事其擇情輕者一人杖之俾養父母母絕其祀閏三月甲寅朔敕減樞密知院兀真辛酉太陰犯輿鬼罷呪僧月給俸遣人視大都至上都駐蹕之地有侵民田者計畝給直丙寅太陰犯太微東垣丁丑畿內及諸衛屯軍饑賑鈔七千五百錠亦

梁濟寧東昌等路隴州開州青城齊東渭源東明長垣等縣隕霜殺桑果禾苗歸州告饑出糧減價賑糶馬八兒國王昔刺木丁遣其臣愛思丁貢方物夏四月甲申朔大寧路地震有聲如雷丁亥敕儲稱海五河屯田粟以備賑濟太常寺臣請立北郊不允陞延慶寺秩正三品西番諸驛貧乏給鈔萬錠曲魯部畜牧斃耗賑鈔八百七十三錠己酉廢真陽含光二縣入英德州壬辰諸王脫脫薨以月思別襲位己酉敕郡縣官勤職者加賜弊帛以鐵木迭兒錄軍國重事監修國史立回回國子監帝以資治通鑑載前代興

亡治亂命集賢學士忽都魯都兒迷失及李孟擇其切要者釋寫以進武昌路饑命發米減價賑糶五月甲寅朔賜營王也先鐵木兒鈔萬錠戊午辰星犯輿鬼丁卯賜李孟孝感縣地二十八頃禁諸王支屬徑取分地租賦擾民敕嶺北行省瘞陣沒遺骸乙亥賑怯魯連地貧乏者米三千石丁丑徙滄州治於長蘆鎮戊寅京兆爲故儒臣許衡立魯齋書院降壘書旌之庚辰廬陽麻陽二縣以土賊作耗蠲其地稅賦營王也先鐵木兒支屬貧乏賑糧兩月武陵縣霖雨水溢溺死居民漂沒廬舍禾稼潭州漢陽思州民饑並

發廩減價糶賑之膚施縣大風雹損禾并傷人畜六月戊子敕內侍今後止授中官勿畀文階置雲南行省儒學提舉司封河南省丞相卜隣吉帶爲河南王壬辰增置畿內州縣同知主簿各一員諸王察八兒屬戶匱乏給糧一歲仍俾屯田以自贍發軍增墾河南芍陂等處屯田乙未熒惑犯右執法戊申增置兩浙鹽運司判官一員甲辰蠲河西僧免輸租賦墾書敕諸王戚里入覲者宜趁夏時芻牧至上都毋輒入京師有事則遣使奏稟衡州郴州興國永州路未陽州饑發廩減價賑糶宣平仁壽白登縣雹損稼傷人

畜秋七月乙卯答卽乃所部匱乏戶給糧二石庚午命中書省臣議復封贈賜晉王也孫鐵木兒部鈔十萬錠詔開下番市舶之禁賜衛王阿木哥等鈔七千錠乙亥會福院越制奏旨除官敕自今舉人聽中書可否以聞申飭私鹽之禁沅陵盧溪二縣水武清縣渾河隄決淹沒民田發廩賑之八月戊子車駕至大都癸卯陞太常寺爲太常禮儀院秩正二品丁未興寧汀梁及武安涉縣地震壞官民廬舍武安死者十四人涉縣三百二十六人台州岳州武岡常德道州等路水發廩減價賑糶九月壬戌改提點教坊司事

爲大使已巳復以鐵木迭兒爲右丞相合散爲左丞相罷陝西諸道行御史臺降儀鳳卿爲儀鳳大使肇慶武昌建德建康南康江州袁州建昌贛州杭州撫州安豐等路水發廩減價賑糶冬十月癸巳陞潁州萬戶府爲中萬戶府乙未敕吏人轉官止從七品在選者降等注授申飭內侍及諸司隔越中書奏請之禁敕下番商販須江淞省給牒以往歸則征稅如制私往者沒其物遣官括淮民所佃閑田不輸稅者丙申復甘肅屯田置沙瓜等處屯儲總管萬戶府秩正三品乙巳置思平王塔思不花傳二人庚戌辰星犯

東咸監察御史言乞命樞密院設法教練士卒應軍官襲職者試以武事而後任之制曰可遣張驢經理江南田糧十一月壬子陞司天臺爲司天監秩正三品賜銀印乙卯改大同侍衛親軍都指揮使司爲中都威衛使司置保安軍于麻陽縣以禦徭蠻戊辰以通政院使蕭拜住爲中書右丞辛未以翰林學士承旨荅失蠻知樞密院事癸酉敕吏人賊行者黥其面大寧路地震有聲如雷戊寅鐵木迭兒言比者僚屬及六部諸臣皆晚至早退政務廢弛今後有如此者視其輕重杖責之臣或自惰亦令諸人陳奏帝曰如

更不悛則罷不叙以前中書右丞相禿忽魯知樞密院事靜安路饑發糧賑之詔檢覈浙西江東江西田稅十二月壬午汴梁南陽歸德汝寧淮安水敕禁釀酒量加賑恤癸未賑諸王鐵木兒不花部米五千石禿滿部二千石辛卯禁諸王駙馬權勢之人增價鬻鹽壬辰詔定官員士庶衣服車輿制度甲午太陰犯輿鬼巳亥敕中書省定議孔子五十三代孫當襲封衍聖公者以名聞庚子遣官浚揚州淮安等處運河以翰林學士承旨李孟復爲中書平章政事癸卯太陰犯房甲辰太陰犯天江乙巳勅經界諸衛屯田汚

陽歸德汝寧安豐等處饑發米賑之

二年春正月乙卯歲星犯輿鬼戊午懷孟衛輝等處饑發米賑之巳未太白晝見癸亥太陰犯軒轅丙寅霖雨壞渾河隄堰沒民田發卒補之禁民煉鐵發卒浚溲州漕河丁卯太陰犯進賢戊辰晉寧等處民饑給鈔賑之巳巳置大聖壽萬安寺都總管府秩正三品庚午立行用庫於江陰州敕以江南行臺贓罰鈔賑恤饑民乙亥詔遣宣撫使分十二道問民疾苦黜陟官吏並給銀印命中書省臣分領庶務禁南人典質妻子販買爲驅御史臺臣言比年地震水旱民流

盜起。皆風憲顧忌。失於糾察。宰臣燮理。有所未至。或近侍蒙蔽。賞罰失當。或獄有冤濫。賦役繁重。以致乖和。宜與老成共議所由。詔明言其事。當行者以聞。諸王脫列鐵木兒部闕食以鈔七百五十錠給之。益都般陽晉寧民饑給鈔米賑之。二月己卯朔會試進士。戊子太白晝見。癸巳太白經天。甲午詔禁民轉鬻養子丙申賜諸王納忽答兒金五十兩銀二百五十兩鈔五百錠。庚子詔以公哥羅古羅思監藏班藏卜爲帝師。賜玉印。仍詔天下壬寅雲南王老的來朝辰沅洞蠻吳于道爲寇。敕調兵捕之。乙巳賜諸王月魯鐵

木兒鈔萬錠。丙午太白經天。是月晉寧宣德等處饑。給米鈔賑之。真州揚子縣火發。米減價賑。糶三月乙卯廷試進士。賜護都沓兒張起巖等五十六人及第。出身有差。丙辰太陰色赤如赭。庚午帝率諸王百官奉玉冊玉寶。加上皇太后尊號。詔天下蠲逋欠稅課。丁丑以中書平章張驢爲江淞行省平章。政事夏四月戊寅朔日有食之。辛巳賜進士恩榮。晏於翰林院。癸巳敕亦思丹等部出征軍有後期及逃還者並斬。以徇。甲午諭晉王也孫鐵木兒以先朝所賜惠州銀礦洞歸還。有司庚子太陰犯壘壁陣。辛丑賜會試下

第舉人七十以上從七流官致仕。六十以上。府州教授。餘並授山長學正。後勿援例。敕諸王分地。仍以流官爲達魯花赤。各位所辟爲副達魯花赤。命李孟等類集累朝條格。候成書。聞奏頒行。立規運提點所秩五品。置官四員。廣貯庫秩七品。置官三員。並隸壽福院。乙巳。車駕幸上都。宣徽院以供尚膳。遣人獵於歸德。敕以其擾民。特罷之。加授特進上卿。玄教大宗師。張留孫開府儀同三司。丙午。封諸王察八兒爲汝寧王。潭州江州建昌沅州饑。發廩賑糶。五月。戊申朔。改給各道廉訪司銀印。復立陝西諸道行御史臺。貴赤

張小廝等招戶六千。勒還民籍。御史中丞王毅乞歸養。親不許。庚申。賜公主燕海牙鈔千錠。辛酉。太陰犯天江。乙丑。秦州成紀縣山移。是夜疾風電雹。北山南移至夕。河川次日再移。平地突出土阜。高者二三丈。陷沒民居。敕遣官覈驗賑恤。庚午。太白晝見。立海西遼東鷹坊萬戶府。隸中政院。壬申。諸王撒都失里薨。甲戌。日赤如赭。加授宦者中尚卿。續元暉昭文館大學士。乙亥。日赤如赭。是月發粟三百石賑諸王。按鐵木兒等部貧民。奉元龍興吉安南康臨江袁州撫州江州建昌贛州南安梅州辰州興國潭州岳州常德

武昌等路南豐州澧州等處饑並發廩賑糶六月辛巳察罕腦兒諸驛乏食給糧賑之甲申太白晝見是夜太陰犯平道乙未徙陝西肅政廉訪司于鳳翔戊戌幽王南忽里等部困乏給鈔俾買馬羊以濟之河決鄭州己亥置汝寧王察八兒王傳官辛丑以濟寧益都亢旱汰省宿衛士芻粟癸卯太白犯東井丙午辰星犯輿鬼緬國主遣其子脫刺合等來貢方物秋七月庚戌增興和路治中一員戊申賜宣寧王鐵木兒不花及其二弟鈔萬錠并玉具鞍勒幣帛壬子增尚舍寺官六員爲八員雲需總管府增同知二員癸

丑復賜晉王也孫鐵木兒惠州銀鐵洞甲寅置諸王幹羅溫孫王傳官四員復陳州商水鎮爲南屯縣省兩淮屯田總管府官四員併提領所入提舉司改只合赤八刺合孫總管府爲尚供府乙卯贛州土賊蔡五九聚衆作亂○敕遣兵捕之○敕阿宿衛戶貧乏者給牛種耕具於連怯烈地屯田甲子江南湖廣道奉使溫迪罕言廉訪司公田多取民租宜復舊制從之己丑陞崇福院秩正二品癸酉賜衛王阿木哥鈔萬錠命鐵木迭兒總宣政院事詔諭中外是月畿內大雨澌州昌平香河寶坻等縣水沒民田廬潭州金州未

州路茶陵州霖雨江漲沒田稼出米減價賑糶八月  
丙戌。贛州賊蔡五九陷汀州寧化縣僭稱王號。詔遣  
江淞行省平章張驢等率兵討之。己丑車駕至自上  
都乙未臺。臣言蔡五九之變。皆由昵匪馬丁經理田  
糧與郡縣橫加酷暴逼抑至此。新豐一縣撤民廬千  
九百區。夷墓揚骨。虛張頃畝。流毒居民。乞罷經理。及  
骨。括田租制曰可。庚子改遼陽省泰州為泰寧府。壬  
寅增國子生百員。歲貢伴讀四員。詔江淞行省印農  
桑輯要萬部頒降有司遵守勸課旌表貴州達魯花  
赤相元孫妻脫脫真死節。仍俾樹碑任所。九月丁未

道士李若訥。河南嵩山道士趙亦然。各率其徒赴闕  
修普天大醮。賑浙西鹽丁五千餘戶。命玘璐不花作  
佛事於德興府。監察御史劾江浙行省平章童童荒  
決宴安才非輔佐。詔免其官。豫王阿剌忒納失里鎮  
西武靖王搠思班等禽雲南諸賊也。木于羅羅脫脫  
木兒板不阿居。激江路總管羅羅不花伯忽之叔。怯  
得該僞署萬戶哈刺荅兒及諸將校悉斬之。磔尸以  
徇。賑遼陽境內蒙古饑民萬四千餘戶。旌山丹州郝  
榮妻李閏貞節。陝州諸縣蝗入番軍。從征雲南者俱  
屯貴州樞密院臣請遣使發粟給之。己亥御史臺臣

劾奏大都總管劉原仁稱疾久不視事及遷同知儲政院事即就職僥倖巧官避難就易有旨罷之庚子以將幸上都命西僧作佛事於來輿次舍之所壬寅以欽察衛軍士增多析為左右二衛給雲南行省鈔十萬錠以備軍資民食癸卯御史臺臣劾奏工部尚書蘇病性行貪和詔罷之大同路累歲水旱民大饑裁節衛士馬芻粟自四月一日始壽王脫里出陽翟王帖木兒赤西平王管不八昌王八刺失里等七部之民居遼陽境者萬四千五百餘戶告饑命遼陽行省發近境倉糧賑兩月命宣靖王買奴置王傅等官

高下適宜以聞旌表汀州寧化縣民賴祿孫孝行矣三年春正月乙巳漢陽路饑出米賑之特授昔寶赤合刺合孫達魯花赤脫歡金紫光祿大夫太尉仍給印丙午封前中書左丞相忽魯荅兒壽國公增置晉王部斷事官四員都水太監二員省卿一員以真定保定荐饑禁致獵改直沽為海津鎮辛酉陞同知樞密院事買間知院事壬戌賜上都開元寺江瀨田二百頃華嚴寺百頃賜趙王阿魯禿部鈔二萬錠二月丁丑調海口屯儲漢軍千人隸臨清運糧萬戶府以供轉漕給鈔二千錠戊寅命湖廣行省諭安南歸占

城國主置安遠王醜漢王傅河間濟南濱棣等處饑  
給糧兩月三月辛亥特授高麗王世子王暘開府儀  
同三司瀋王加授將作院使呂天麟大司徒甲寅敕  
蕭拜任及陝西四川省臣各一員護送周王之雲南  
置周王常侍府秩正二品設常侍七員中尉四員謚  
議記室各二員置打捕鷹坊民匠總管府設官六員  
斷事官八員延福司飲膳署官各六員並隸周王常  
侍府辛酉陞太史院秩正二品癸亥車駕幸上都壬  
申鷹坊字羅等擾民於大同敕拘還所奉璽書禁天  
下春時畋獵夏四月癸酉賜皇姊大長公主鈔五

千錠弊帛二百匹河南流民羣聚渡江所過擾害命  
行臺廉訪司以見貯賊鈔賑之橫州徭蠻爲寇命湖  
廣省發兵討捕壬午諭中書省歲給衛王阿木哥鈔  
萬錠敕衛輝昌平守臣修殷比干唐狄仁傑祠歲時  
致祭戊子陞印經提舉司爲廣福監己丑陞會福院  
秩正二品癸巳賜安遠王醜漢金各五百兩鈔千錠  
弊帛二十匹己亥增置用王斷事官二員以淮東廉  
訪司僉事苗好謙善課民農桑賜衣一襲庚子以上  
都留守憨刺合兒知樞密院事陞殊祥院秩正二品  
命中書省與御史臺翰林集賢院集議封贈通制著

爲令遼陽蓋州及南豐州饑發廩賑之五月甲辰至  
戊申日赤如赭辛亥以江西行省右丞相幹赤爲大  
司徒庚申以大都留守伯鐵木兒爲中書平章政事  
陞中書右丞蕭拜住爲平章政事左丞阿上海牙爲  
右丞參政郭貫爲左丞參議不花爲參知政事庚午  
置甘肅儒學提舉司遼陽金銀鐵冶提舉司秩並從  
五品賜諸王迭里哥兒不花等金三百五十兩銀一  
千二百兩鈔三千二百錠弊帛有差潭永寶慶桂陽  
澧道袁等路饑發米賑糶六月乙亥制封孟柯父爲  
祁國公母爲祁國宣獻夫人改諸王功臣分地郡邑

同知縣丞爲副達魯花赤中下縣及錄事司增置副  
達魯花赤一員丙子融賓柳州徭蠻叛命湖廣行省  
遣官督兵捕之丁丑敕大辟罪臨刑敢有橫加割割  
者以重罪論凡鞠囚非強盜毋加酷刑戊寅吳王孕  
刎納等部乏食賑糧兩月己卯詔諭百司各勤其職  
毋隳廢大政甲申給安遠王醜漢分樞密院印丁亥  
封床兀兒爲句容郡王丁酉賜周王從衛鈔四十萬  
錠河決汴梁沒民居遼陽之蓋州饑並發糧賑之秋  
七月壬子命御史大夫伯忽脫歡答刺罕極治臺綱  
仍降詔宣諭中外乙卯封王龍鐵木兒爲保恩王賜

命印辛酉賜普慶寺益都田百七十頃丙寅復以燕  
鐵木兒知樞密院事庚午發高麗女直漢軍千五百  
人於濱州遼河慶雲趙州屯田八月癸酉以兵部尚  
書乞塔爲中書參知政事己卯車駕至自上都戊戌  
置織佛像工匠提調所秩七品設官二員九月辛丑  
復五條河屯田以中書左丞郭貫爲集賢大學士集  
賢大學士王毅爲中書左丞庚戌割上都宣德府奉  
聖州懷來縉山二縣隸大都路改縉山縣爲龍慶州  
帝生是縣特命改焉癸丑大白晝見己未興寧晉寧  
路地震丙寅太白經夫冬十月辛未以江南行臺侍

御史高昉爲中書參知政事壬申有事于太廟調四  
川軍二千人雲南軍三千人烏蒙等處屯田置總管  
萬戶府秩正三品設官四員隸雲南省壬午河南路  
地震甲申太白犯斗庚寅敕五臺靈鷲寺置鐵冶提  
舉司乙未賜幽王南忽里部鈔四萬錠丁酉脩甘州  
城申禁民有父生者不得私貸人錢及鬻墓木甘州  
肅州等路饑免田租十一月壬寅命監察御史監治  
嶺北鈎校錢糧半歲更代大萬寧寺住持僧米普雲  
濟以所佩國公印移文有司紊亂官政敕禁止之乙  
巳增集寧砂井淨州路同知府判提控案牘各一員

乙卯改舊運糧提舉司爲大都陸運提舉司新運糧  
提舉司爲京畿運糧提舉司澧州路安撫司爲安定  
軍民府十二月庚午以知樞密院事禿忽魯爲陝西  
行省左丞相壬午授嗣漢三十九代天師張嗣成  
玄輔化體仁應道大真人主領三山符籙掌江南道  
教事丁亥立皇子碩德八剌爲皇太子兼中書令樞  
密使授以金寶告天地宗廟陞同知樞密院事床兀  
兒知樞密院事諸王按灰部乏食給米三千一百八  
十六石濟之

本紀卷第二十五

終

本紀卷第二十六

元史二十六

翰林學士雷天知制誥兼修國史吳濂翰林待制兼直郎知制誥兼國史院編修官呈禱等奉

勅修

仁宗三

四年春正月庚子帝謂左右曰中書比奏百姓乏食  
宜加賑恤朕默思之民饑若此豈政有過差以致然  
歟向詔百司務遵世祖成憲宜勉力奉行輔朕不逮  
然嘗思之唯省刑薄賦庶使百姓各遂其生也乙卯  
諸王脫脫駐雲南擾害軍民以按灰代之丙辰以知  
樞密院事完者爲雲南行省平章政事己未給帝師

寺廩食鈔萬錠壬戌冀賓路城震戊辰給諸王也速  
也不于明安荅兒部糧三月閏月庚辰封諸王孛羅  
爲異王丙戌以立皇太子詔天下給賜鰥寡孤獨鈔  
減免各路租稅有差賜諸王宗戚朝會者金三百兩  
銀二千五百兩鈔四萬三千九百錠辛卯封別鐵木  
兒爲汾陽王壬辰給幽王南忽里部鈔十二萬錠買  
馬汴梁揚州河南淮安重慶順慶襄陽民皆饑發廩  
賑之二月庚子賜諸王買閭部鈔三萬錠甲辰勅郡  
縣各社復置義倉戊申特授近侍完者不花翰林侍  
讀學士知制誥同修國史癸亥陞泰寧府爲泰寧路

者交通宗戚大官二月壬午罷造永福寺賑大同豐  
州諸驛饑以江浙行省左丞相黑驢爲中書平章政  
事丁巳修佛事戊午祭社禘建御容殿于永福寺汰  
富民竄名宿衛者給役蒙古諸驛己未命儲糧于宣  
德開平和林諸倉以備賑貸供億復以都水監隸中  
書辛丑太陰犯軒轅御女平章政事赤斤鐵木兒御  
史大夫脫歡罷爲集賢大學士壬戌太陰犯靈臺甲  
子鐵木迭兒阿散請捕逮四川行省平章政事趙世  
延赴京叅議中書省事乞失監坐鬻官刑部以法當  
杖太后命笞之帝曰不可法者天下之公徇私而輕

重之非示天下以公也卒正其罪丙寅以陝西行省平章政事趙世榮爲中書平章政事江西行省右丞木八剌爲中書右丞叅知政事張思明爲中書左丞中書左丞換住罷爲嶺北行省右丞丁卯太陰犯日星白雲宗攝沈明仁爲不法坐罪詔籍江南冒爲白雲僧者爲民己巳修鎮雷佛事于京城四門罷上都乾元寺規運總管府庚午太陰犯斗辛未括民間係官山場河泊窩冶廬舍壬申召陝西行臺御史大夫荅失鐵木兒赴闕以遼陽大同上都甘肅官牧羊馬牛馳給朔方民戶仍給曠地屯種癸酉括勘崇祥院高郵真州建寧等處疏民羣聚持兵抄掠赦所在有司其傷人及盜者罪之餘並給糧遣歸以翰林學士承旨赤因鐵木兒爲中書平章政事中書平章兀伯都刺爲集賢大學士己丑陞中書左丞阿卜海牙爲平章政事參政乞塔爲右丞高昉爲左丞叅議中書省事換住張思明並叅知政事六月乙巳太陰犯心內外監察御史四十餘人劾鐵木迭兒姦貪不法戊申鐵木迭兒罷以左丞相合散爲中書右丞相己酉兀伯都刺復爲中書平章政事壬子以工部尚書王桂爲中書參知政事安遠王醜漢趙王阿魯禿爲叛

王脫火赤所掠各賜金銀幣帛丙辰敕諸王駙馬功  
臣分地仍舊制自辟達魯花赤丁巳安南國遣使來  
貢戊午置冀王索羅王傳二員中尉司馬各一員都  
總管府秩正三品己未給嶺北行省經費鈔九十萬  
金雜絲五萬疋癸亥禁總攝沈明仁所佩司空印毋  
移文有司秋七月乙亥李孟能以江浙行省左丞王  
毅爲中書平章政事庚辰賜主始太長公主恠哥台  
金百兩銀千兩鈔二千錠幣帛各百疋賞討叛王有  
功句容郡王床兀兒等金銀幣帛鈔各有差壬午敕  
赤因鐵木兒頒齊諸王駙馬及賑濟所部貧乏特授

備親軍都指揮使孛蘭奚太尉己丑成紀縣山崩  
石潰徙壞田稼廬舍壓死居民辛卯冀寧路地震

帝諭省臣曰比聞蒙古諸部困乏往往鬻子女於民  
家爲婢僕其命有司贖之還各部帝出見衛士有弊  
衣者駐馬問之對曰戊守邊鎮餘十五年以故貧耳  
帝曰此輩久勞于外留守臣未常以聞非朕親見何  
由知之自今有類此者必言於朕因命賜之錢帛八  
月丙申車駕至自上都熒惑犯輿鬼壬子太陰犯昴  
庚申合散奏事畢帝問曰卿等日所行者何事合散  
對曰臣等第奉行詔旨而已帝曰卿等何嘗奉行朕

旨。雖祖宗遺訓。朝廷法令。皆不遵守。夫法者所以辨  
 上下。定民志。自古及今。未有法不立而天下治者。使  
 人君制法。宰相能守而勿失。則下民知所畏避。綱紀  
 可正。風俗可厚。其或法弛民慢。怨言並興。欲求治安。  
 豈不難哉。九月丙寅。合散言故事。丞相必用蒙古勳  
 臣。合散回回人。不厭人望。遂懇辭制。以宣徽使伯答  
 沙為中書右丞相。合散為左丞相。己巳。大都南城產  
 嘉禾一莖。十一穗。庚午。太陰犯斗。壬辰。詔戒飭海漕  
 諭諸司。毋得沮撓。嶺北地震三日。冬十月甲午朔。有  
 事於太廟。戊戌。給諸王冕火鐵木兒等部糧五千石。

壬寅。敕刑部尚書舉林栢監大都兵馬司防遏盜賊。  
 仍嚴飭軍校。制其出入。遣御史大夫伯忽參知政事。  
 王貴祭陝西嶽鎮名山。賑恤秦州被災之民。己酉。監  
 察御史言官吏丁憂起復。人情驚惑。請禁止以絕僥  
 倖。惟朝廷者舊特旨起復者不在禁例。制曰可。給兩  
 淮屯田總管府職田。壬子。給鈔五萬錠。糧五萬石。賑  
 察罕腦兒。戊午。海外婆羅公之民往賈海。番遇風濤  
 存者十四人。至漂温州永嘉縣。敕江浙省資遣還鄉。  
 改潮州路所統梅州隸廣東道宣慰司。十一月己卯。  
 復浚揚州運河。己丑。併汧源縣入隴州。壬辰。諭諸宿

衛入直各居其次非有旨不得上殿闌入禁中者坐罪大臣許從二人他官一人門者譏其出入十二月丁酉復廣州採金銀珠子都提舉司秩正四品官三員乙巳置詹事院從一品太子詹事四員副詹事詹事丞並二員家令府丞慶司設官並四員典寶監八員遣官卽興和路及淨州發廩賑給北方流民巳酉蘆溝橋澤畔店瑠瑣河並置巡檢司壬子置安王王傳丁巳賜諸王禿滿鐵木兒等及駙馬忽刺兀帶各部金一千二百兩銀七千七百兩鈔一萬七千七百錠弊帛二千匹以內宰領延福司事禿滿迭兒知樞

密院事特授晉王內史按攤出金紫光祿大夫魯國一辛酉改怯憐口民匠總管府爲繕用司

五年春正月辛未賜諸王禿滿鐵木兒等所部鈔四萬錠甲戌懿州地震丙子安南國遣其臣尹世才等以方物來貢乙酉敕諸王位下民在大都者與民均役丁亥會試進士湖廣平章買任加魯國公大司農賑晉王也孫鐵木兒等部貧乏者二月癸巳朔日有食之和寧路地震丁酉敕廣寧開元等萬戶府軍日侍衛有兄弟子姪五人者三人留四人三人者二人留著爲籍秦州秦安縣山崩封諸王晃火鐵木兒爲

嘉王禿滿鐵木兒爲武平王並賜印丁未敕雲南四川歸還所侵順元宣撫司民地戊申陞內史府秩正二品建鹿頂殿于文德殿後辛亥敕杭州守臣春秋祭淮安忠武王伯顏祠王子諸王荅失蠻部乏食敕甘肅行省給糧賑之賜諸王察吉兒鈔萬錠甲寅置寧昌府乙卯命中書省汰不急之役增置河東宣慰司副使一員敕上都諸寺權豪商販貨物並輸稅課戊午以者連怯耶兒萬戶府爲右衛率府給書西天字維摩經金三千兩庚申罷封贈賞討叛王脫火赤載功賜諸王部察罕等金銀幣鈔有差三月戊辰御

試進士賜忽都達兒霍希賢以下五十人及第出身有差已巳賜寧海王八都兒金印庚午立諸王幹羅溫孫部打捕鷹坊諸色人匠怯憐口總管府秩從四品改靜安路爲德寧路靜安縣爲德寧縣癸酉晉王也孫鐵木兒部貧乏賑米四千一百五十石仍賜鈔二萬錠買牛羊孳畜乙亥增給兩淮運司分司印一特授安遠王醜漢開府儀同三司錄軍國重事知樞密院事戊寅以湖州路爲安王元都思不花分地其戶數視衛王阿木哥癸未和寧淨州路禁酒賜鈔萬錠命晉王也孫鐵木兒賑濟遼東貧民晉王內史拾

得聞加榮祿大夫封桓國公給金九百兩銀百五十兩書金字藏經甲申免鞏昌等處經賑濟者差稅鹽課乙酉御史臺臣言諸司近侍隔越中書聞奏者請如舊制論罪制曰可己丑敕以紅城屯田米賑淨州平地等處流民置汾陽王別鐵木兒王傅四員賜醜駝答刺罕平江路田百頃夏四月壬辰安吉王乞台普濟薨丁酉諸王雍吉刺部乏食賑米三千石己亥耽羅捕獵戶成金等爲寇敕征東行省督兵捕之庚子賜諸王祭吉兒部鈔萬錠布帛稱是給中翊府閩臺順州屯田鈔萬錠置牛種農具庚戌敕安遠王醜

漢分地隸建寧者七縣汀州者三縣達魯花赤聽其自辟陞印經提舉司爲延福監秩正三品遣官分汰各部流民給糧賑濟免懷孟河南南陽居民所輸陝西鹽課是時解州鹽池爲水所壞命懷孟等處食陝西紅鹽後以地遠改食滄鹽而仍輸課陝西民不堪命故免之木鄰鐵里干驛困乏濟以馬五千匹遼陽饑海漕糧十萬石於義錦州以賑貧民甲寅樞密院臣言各省調度軍馬惟長官二人領其事今四川省諸臣皆預非便請如舊制從之以千奴史弼並爲中書平章政事侍御史敬儼爲中書叅知政事戊午車

駕幸上都五月辛酉朔順元等處軍民宣撫使阿晝以洞蠻酋黑冲子子昌奉方物來覲丁卯賜安王元都思不花金五十兩銀五千兩以御史中丞亦列赤爲中書右丞相戊辰遣平章政事王毅崇星於司天台三晝夜諸王按塔木兒不顏鐵木兒部乏食賑糧兩月壬申監察御史言比年名爵冒濫太尉司徒國公接跡於朝昔奉詔裁罷中外莫不欣悅近聞禮部奉旨鑄太尉司徒司空等印二十有六此輩無功於國載在史冊貽笑將來請自今門閥貴重勲業昭著者存留一二餘並革去制曰可癸酉遣官分道減決

答以下罪已卯德慶路地震鞏昌隴西縣大雨南土山崩壓死居民給糧賑之六月辛卯御史臺臣言昔遣張驢等經理江浙江西河南田糧虛增糧數流毒生民已嘗奉旨候三年徵租今及其期若江浙江西當如例輸之其河南請視鄉例減半徵之制曰可癸巳以典瑞院使幹赤爲集賢大學士領典瑞院事大司徒巳亥北地諸部軍士乏食給糧賑之庚子遣阿尼八都兒只兒海分汰淨州北地流民其隸四宿衛及諸王駙馬者給資糧遣還各部癸卯賜諸王祭哥班金束帶一銀百兩鈔五百錠乙巳術者趙子玉等

七人伏誅。時衛王阿木哥以罪貶高麗。子玉言於王。府司馬曹脫不台等曰：阿木哥名應圖讖，於是潛謀備兵器衣甲旗鼓航海往高麗，取阿木哥至大都侯時而發。行次利津縣，事覺誅之。西蕃土寇作辭，救甘肅省調兵捕之。丁巳，賜安王兀都思不花等金束帶及金二百兩，銀一千五十兩，鈔二千二百錠，幣二百八十八匹。秋七月己未朔，李邦寧加開府儀同三司。癸亥，賜諸王八里帶等金二百兩，銀八百五十兩，鈔二千錠，幣二百匹。甲子，給欽察衛馬羊價鈔一十四萬五千九百九十二錠。丙寅，調軍五千烏蒙等處。

屯田置總管萬戶府。秩正三品，給銀印。丁卯，給鈔二十萬錠，糧萬石。命晉王分資所部宿衛士，壬申，御史中丞趙簡言：皇太子春秋鼎盛，宜選耆儒敷陳道義。今李銓侍東宮，說書未諳經史，請別求碩學分進講。讀實宗社無疆之福制曰：可。諸王不里牙敦之叛，諸王也舍失列吉及衛士朶帶伯都坐持兩端不助官軍進討，勅流也舍。江西失列吉、湖廣朶帶、衡州伯都、潭州癸酉，拘衛王阿木哥。王傳印，置餼廩司。秩正八品，隸上都留守司。豐州石泉店置巡檢司，賜諸王別失帖木兒等金銀并賑其部米萬石，鈔萬錠。己卯，諸

王雍吉刺帶曲春鐵木兒來朝賜金二百兩銀一千兩鈔五千錠弊帛一百匹仍給鈔萬錠米萬石分賚其所部辛巳立受給庫秩九品隸工部壬午罷河南省左丞陳英等所括民田止如舊例輸稅戊子鞏昌路寧遠縣山崩加封楚三閭大夫屈原爲忠節清烈公八月戊子車駕至上都乙卯併翁源縣入曲江縣九月癸亥大司農買住等進司農丞苗好謙所撰栽桑圖說帝曰農桑衣食之本此圖甚善命刊印千帙散之民間丙寅廣西兩江龍州萬戶趙清臣太平路總管李興隆率土官黃法扶何凱並以方物來貢

賜以弊帛有差幽王南忽里等部貧乏命甘肅省市馬萬匹給之丁卯中書右丞宣徽使亦列赤爲中書平章政事左丞高昉爲右丞參知政事換任爲左丞吏部尚書燕只干爲參知政事壬申以鈔給北邊軍爲馬價甲戌以作佛事釋重囚三人輕囚五十三人巳卯以江浙省所印大學衍義五十部賜朝臣辛巳置大永福寺都總官府秩三品壬午敕軍官犯罪行省咨樞密院議擬毋擅決遣丙戌以僉太常禮儀院事狗兒爲中書參知政事丁亥立付宣政院于杭州設官八員大同路金城縣大雨雹冬十月巳丑以大

寧路隸遼陽省宣德府隸大都路敕僧人除宋舊有及朝廷撥賜土田免租稅餘田與民一體科徵播州南寧長官洛麼作亂思州守臣換任哥招諭之洛麼遣人以方物來覲罷膠萊莒密鹽使司復立濤洛場辛卯禁大同冀寧晉寧等路釀酒壬辰建帝師巴思八殿於大興教寺給鈔萬錠癸巳改中翊府爲羽林親軍都指揮使司甲午有事千太廟癸丑贛州路雲都縣里胥劉景周以有司徵括田耕租聚衆作亂敕免徵新租招諭之十一月辛酉開成莊浪等處禁酒壬戌改黃花嶺屯儲軍民總管府爲屯儲總管府設

官四員山後民飢增海漕四十萬石增置大都南北兩兵馬司指揮使色目漢人各二員給分司印二丁卯用監察御史乃蠻帶等言追奪建康富民王訓等白身濫受宣敕仍禁冒籍貫宿衛及巧受遠方職官不赴任求別調者隱匿不自首者罪之己巳陞同知樞密院事忠嘉知樞密院事丙子集賢大學士太保曲出言唐陸淳著春秋纂例辨疑微旨三書有益後學請令江西行省錢梓以廣其傳從之癸未敕江西茶運司歲課以二十五萬錠爲額敕大永福寺創殿安奉順宗皇帝御容十二月壬辰特授集賢大學士

脫列大司徒辛亥置重慶路江津巴縣等處屯田省  
成都歲漕萬二千石甲寅敕樞密院覈實蒙古軍貧  
乏者存卹五年

六年春正月丁巳朔進國遣使奉表來貢方物丁卯  
敕福建兩廣雲南其肅四川軍官致仕還家官給驛  
傳如民官例戊辰賑晉王部貧民癸酉特授同知徽  
政院事醜驢荅刺罕金紫光祿大夫太尉給銀印甲  
戌監察御史字木魯狎等言皇太子位正東宮既立  
詹事院以總家政宜擇年德老成道義崇重者爲師  
保賓贊俾盡心輔導以廣緝熙之學制曰可戊寅太

陰犯心己卯崇星于司天臺廣東南恩新州徃賊龍  
郎庚等爲寇命江西行省發兵捕之帝御嘉禧殿謂  
扎魯忽赤買間曰扎魯忽赤以命所繫其詳閱獄辭  
事無大小必謀諸同僚疑不能決者與省臺臣集議  
以聞又顧謂侍臣曰卿等以朕居帝位爲安邪朕惟  
太祖創業艱難世祖混一疆宇兢業守成恒懼不能  
當天心繩祖武使萬方百姓樂得其所朕念慮在茲  
卿等固不知也二月丁亥朔日有食之改釋奠于中  
丁祀社稷于中戊祭星于回回司天臺丁酉雲南閣  
里愛俄木昌蒲蠻阿八刺等並爲寇命雲南省從軍

勦捕戍戍改陝西轉運鹽使司為河東陝西都轉運  
鹽使司直隸省部己亥太陰犯靈臺乙巳敕諸司不  
由中書奏官職署事者悉罷之特授僧從吉祥祭祿  
大夫大司空加祭祿大夫大司徒備文吉祥開府儀  
同三司三月丁巳以天壽節釋重囚一人乙未給鈔  
賑濟上都西番諸驛辛酉韓端地有叛者入寇遣鎮  
西武靖王搠思班率兵討之詔以御史中丞禿禿合  
為御史大夫諭之曰御史大夫職任至重以卿動舊  
之裔故特授汝當思乃祖乃父忠勤王室仍以古名  
臣為法否則將墜汝家聲負朕委任之意矣丙寅改

懷孟路為懷慶路特授翰林學士承旨八兒思不花  
開府儀同三司大司徒己巳太陰犯明堂敕諸王駙  
馬宗姻諸事依舊制領於內八府官勿徑移文中書  
封諸王月魯鐵木兒為恩王給印置王傳官免大都  
上都興和大同今歲租稅癸酉太陰犯日星甲戌太  
陰犯心壬午賜大興教寺僧齋食鈔二萬錠禁甘肅  
行省所屬郡縣釀酒夏四月壬辰中書省臣言雲南  
土官病故子姪兄弟襲之無則妻承夫職遠方蠻夷  
頑獷難制必在土人可以集事今或闕負宜從本俗  
權職以行制曰可丙辰命京師諸司官吏運糧輸上

都興和賑濟蒙古飢民庚子車駕幸上都以鐵木迭  
兒為太子太師內外監察御史四十餘人劾其逞私  
蠹政難居師保之任不聽諸王合贊薨丙午命宣政  
院賑給西番諸驛壬子伯顏鐵木兒部貧乏給鈔賑  
之五月辛酉太陰犯靈臺丁卯太陰犯房丙子太陰  
犯壘壁陣加安南國王陳益稷儀同三司六月戊子  
以莊浪巡檢司為莊浪縣移巡檢司於比卜渡癸巳  
以米五千石賑大長公主所隸貧民甲午改繕珍司  
為徽儀使司秩二品己亥歲星犯東咸辛丑置河  
田賦總管府隸內史府設達魯花赤總管同知各一

員副總管二員秩從三品戊申置勇校署以角觝者  
隸之庚戌大同縣雨雹大如鷄卵詔以駝馬牛羊分  
給朔方蒙古民戍守邊徼者俾牧養蕃息以自贍仍  
命議興屯田壬子賜大乾元寺鈔萬錠俾營子錢供  
繕修之費仍陞其提點所為總管府給銀印秩正三  
品給鈔四十萬錠賑合刺赤部貧民三十萬錠賑諸  
位怯憐口被災者諸有俸祿及能自贍者勿給癸丑  
以羽林親軍萬人隸東宮丙子陞廣惠司秩正三品  
掌回回醫藥丁丑以濟寧等路水遣官閱視其民乏  
食者賑之仍禁酒開河泊禁聽民採食晉陽西涼鈞

等州陽翟新鄭密等縣大雨雹汴梁益都般陽濟南東昌東平濟寧恭安高唐濮州淮安諸處大水秋七月丙辰緬國趙欽撒以方物來覲來安路總管岑世興叛據唐興州賜璽書招諭之諸王闊愷堅部貧乏給糧賑之壬戌太陰犯心以者連怯耶兒萬戶府軍萬人隸東宮置右衛率府秩正三品丁卯詔諭江西官吏豪民毋阻撓茶課甲戌皇姊大長公主祥哥剌吉作佛事釋全寧府重囚二十七人敕按問全寧守臣阿從不法仍追所釋囚還獄命分奴兒部流囚罪稍輕者屯田肇州乙亥通州瀋州增置三屯丙子

太白犯太微垣右執法增置上都巡警院開平縣官各二員己卯晉王也孫鐵木兒所部民經剽掠災傷為盜者衆敕扎魯忽赤囊加帶往與晉王內史審錄罪囚重者就啓晉王誅之當流配者加等杖之庚辰賜木憐麥該兩驛鈔一萬二千一百二十錠俾市馬給驛辛巳賜左右鷹坊及合刺赤等貧乏者鈔一十四萬錠八月甲申以河東山西道宣慰使張思明為中書參知政事乙酉熒惑犯輿鬼甲午以授皇太子玉冊告祭于南郊庚子車駕至自上都丁未告祭于太廟是月伏羌縣山崩閏八月丙辰辰星犯太微垣

右執法賜嘉王晃火鐵木兒部羊十萬馬萬匹庚申  
增置興和路既備倉秩正八品陞廣盈庫從八品癸  
亥熒惑犯軒轅甲子太陰犯壘壁陣浚會通河壬申  
以太傅御史大夫伯忽爲太師癸酉敕河東山西道  
宣慰司官給俸同隨朝敕諸司有受命不之官及避  
繁劇託故去職者奪其宣敕乙亥太白犯東咸併永  
興縣入奉聖州九月甲申以徽政使朶帶爲太傅陞  
參議中書省事欽察爲參知政事辛卯鐵里干等二  
十八驛被災給鈔賑之壬辰崇星于司天臺癸巳以  
於佛事釋大辟囚七人流以下囚六人戊戌增海漕

十萬石置雲南縣隸雲內州以故昌州寶山縣置寶  
昌州隸興和路庚子併順德廣平兩鐵冶提舉司爲  
順德廣平彰德等處鐵冶提舉司癸卯御史臺臣言  
比者官以倖求罪以賂免乞凡內外官非勲舊有資  
望者不許驟陞諸犯贓罪已欵伏及當鞠而幸免者  
悉付元問官以竟其罪其貪污受刑奪職不叙者寅  
緣近侍出入內庭覬倖名爵宜斥逐之帝皆納其言  
詔謂四宿衛嘗受刑者勿令造禁庭山東諸路禁酒  
浚鎮江練湖發粟賑濟寧東平東昌高唐德州濟南  
益都般陽揚州等路饑十月甲寅省都功德使四員

天啓三年刊  
正存六員乙卯東平濟寧路水陸十五驛乏食戶給  
麥十石中書省臣言白雲宗總攝沈明仁強奪民田  
二萬頃誑誘愚俗十萬人私賂近侍妄受名爵已奉  
旨追奪請汰其徒還所奪民田其諸不法事宜令覈  
問有旨朕知沈明仁姦惡其嚴鞠之戊午遣中書右  
丞相伯荅沙持節授皇太子玉冊辛酉以扎魯忽赤  
鐵木兒不花爲御史大夫癸亥熒惑犯太微垣左執  
法上都民饑發官粟萬石減價賑糶置兩浙鹽倉六  
所秩從八品官二員惟杭州嘉興二倉設官三員秩  
從七品鹽場三十四所場設監運二員正八品罷檢

校所乙丑太陰犯昴丁卯賑北方諸驛戊辰太陰犯  
東井庚午太白晝見辛未太陰犯軒轅丙子以皇太  
子受玉冊詔天下已卯浚通惠河增河東陝西鹽運  
司判官一員給分司印二置提領所二秩從八品官  
各二員鹽場二增管勾各二員罷漉鹽戶提領二十  
人濟南濱棣州章丘等縣水免其田租十一月辛卯  
熒惑犯進賢木邦路帶邦爲寇敕雲南省招捕之乙  
巳以秘書卿苦思丁爲大司徒庚子敕晉王部貧民  
二千居稱海屯田增京畿漕運司同知副使各一員  
給分司印中書省臣言曩賜諸王阿只吉鈔三萬錠

使營子錢以給畋獵廩膳毋取諸民今其部阿魯忽等出獵恣索於民且爲姦事宜令宗正府刑部訊鞠之以正典刑制曰可禁民匿蒙古軍亾奴帝諭臺臣曰有國家者以民爲本比聞百姓疾苦啣冤者衆其令監察御史廉訪司審察以聞河間民饑發粟賑之十二月壬戌命皇太子參決國政封宋儒周惇頤爲道國公甲子遣宗正府扎魯忽赤二員審決興和平地等處獄囚省雲南大理大小徹里等地同知相嗣官及儒學蒙古教授等官百二十四員丙寅太陰犯軒轅巳巳復吏人出身舊制其犯賊者止從七品免

大都上都興和延祐七年差稅河西塔塔刺地置屯田立軍民萬戶府壬申太陰犯心平章政事王毅以親老辭職從之仍賜其父幣帛癸酉是夜風雪甚寒帝謂侍臣曰朕與卿等居暖室宗戚昆弟遠戍邊陲曷勝其苦歲賜錢帛可不徧及耶敕上都大都冬夏設食于路以食饑者

七年春正月辛巳朔日有食之帝齋居損膳輟朝賀壬午御史臺臣言比賜不兒罕丁山場完者不花海舶稅會計其鈔皆數十萬錠諸王軍民貧乏者所賜未嘗若是苟不撙節漸致帑藏虛竭民益困矣中書

省臣進曰臺臣所言良是若非振理朝綱法度愈壞  
臣等乞賜罷黜選任賢者帝曰卿等不必言其各共  
乃事癸未帝御大明殿受諸王百官朝賀辛卯江浙  
行省丞相黑驢言白雲僧沈明仁擅度僧四千八百  
餘人獲鈔四萬餘錠既已辭伏令遣其徒沈崇勝潛  
赴京師行賄求援請逮赴江浙併治其罪從之乙未  
太陰犯明堂上星丁亥帝不豫辛丑帝崩于光天宮  
壽三十有六在位十年癸卯葬起輦谷從諸帝陵五  
月乙未羣臣上謚曰聖文欽孝皇帝廟號仁宗國語  
曰普顏篤皇帝仁宗天性慈孝聰明恭儉通達儒術

妙悟釋典嘗曰明心見性佛教爲深修身治國儒道  
爲切又曰儒者可尚以能維持三綱五常之道也平  
居服御質素澹然無欲不事游畋不喜征伐不崇貨  
利事皇太后終身不違顏色待宗戚勳舊始終以禮  
大臣親老時加恩賚太官進膳必分賜貴近有司奏  
大辟每慘惻移時其孜孜爲治一遵世祖之成憲云

本紀卷第二十六



六年十月戊午受玉冊詔命百司庶務必先啓太子然後奏聞帝謂中書省臣曰至尊委我以天下事日夜寅畏惟恐弗堪卿等亦當洗心滌慮恪勤乃職勿有隳壞以貽君父憂七年春正月戊戌仁宗不豫帝憂形于色夜則焚香泣曰至尊以仁慈御天下庶績順成四海清晏今天降大厲不如罰殛我身使至尊永爲民主辛丑仁宗崩帝哀毀過禮素服寢于地日歔一粥癸卯太陰犯斗甲辰太子太師鐵木迭兒以太后命爲右丞相丙午遣使分獻內外刑獄戊申賑通遼三州蒙古貧民汰知樞密院事四員禁巫祝日

銘

者交通宗戚大官二月壬午罷造永福寺賑大同豐州諸驛饑以江浙行省左丞相黑驢爲中書平章政事丁巳修佛事戊午祭社稷建御容殿于永福寺汰富民竄名宿衛者給役蒙古諸驛己未命儲糧于宣德開平和林諸倉以備賑貸供億復以都水監隸中書辛丑太陰犯軒轅御女平章政事赤斤鐵木兒御史大夫脫歡罷爲集賢大學士壬戌太陰犯靈臺甲子鐵木迭兒阿散請捕逮四川行省平章政事趙世延赴京叅議中書省事乞失監坐鬻官刑部以法當杖太后命笞之帝曰不可法者天下之公徇私而輕

重之非示天下以公也卒正其罪丙寅以陝西行省平章政事趙世榮為中書平章政事江西行省右丞木八刺為中書右丞叅知政事張思明為中書左丞中書左丞換住罷為嶺北行省右丞丁卯太陰犯日星白雲宗攝沈明仁為不法坐罪詔籍江南冒為白雲僧者為民已巳修鎮雷佛事于京城四門罷上都乾元寺規運總管府庚午太陰犯斗辛未括民間係官山場河泊窟治廬舍壬申召陝西行臺御史大夫荅失鐵木兒赴闕以遼陽大同上都甘肅宮牧羊馬牛馳給朔方民戶仍給曠地屯種癸酉括勘崇祥院

地其冒以官地獻者追其直以民地獻者歸其主決開平重囚丙子定京城環衛更番法准五衛漢軍歲例丁丑奪前中書平章政事李孟所受秦國公制命仍什其先墓碑戊寅中書平章政事兀伯都刺罷為甘肅行省平章政事阿禮海牙罷為湖廣行省平章政事鐵木迭兒以前御史中丞楊朶兒只中書平章政事蕭拜住違太后旨矯命殺之並籍其家徽政院使失列門以太后命請更朝官帝曰此豈除官時耶且先帝舊臣豈宜輕動俟予即位議于宗親元老賢者任之邪者黜之可也司農卿完者不花言先帝以

土田頒賜諸臣者宜悉歸之官。帝問曰所賜爲誰對曰左丞相阿散所得爲多。帝曰予常諭卿等當以公心輔弼。卿於先朝嘗請海船之稅以阿散奏而止。今卿所言乃復私憾耳。非公議也。豈輔弼之道耶。遂出完者不花爲湖南宣慰使。奪僧輦真吃刺思等所受司徒國公制仍銷其印。三月辛巳以中書禮部領教坊司壬午賑陳州嘉定州饑。爪哇遣使入貢。戊子太陰犯酒旗。上星熒惑犯進賢微諸王駙馬流竄者給侍從遣就分邑。庚寅帝卽位。詔曰洪惟太祖皇帝膺期撫運肇開帝業。世祖皇帝神機睿略統一四海。以

聖繼聖。迨我先皇帝至仁厚德。涵濡羣生。君臨萬國。十年于茲。以社稷之遠圖。定天下之大本。叶謀宗親。授予冊寶。方春宮之與政。遽昭考之賓天。諸王貴戚元勳碩輔。咸謂朕宜體先帝付託之重。皇太后擁護之慈。旣深繫於人心。詎可虛於神器。合辭勸進。誠意交孚。乃於三月十一日卽皇帝位于大明殿。可赦天下。尊太后爲太皇太后。是夜太陰犯明堂。壬辰太皇太后受百官朝賀于興聖宮。鐵木迭兒進開府儀同三司上柱國太師。敕羣臣超授散官者朝會毋越班次。賜諸王也孫鐵木兒脫脫那顏等金銀幣帛有差。

賑寧夏路軍民饑甲午作佛事於寶慈殿賑木憐渾  
都兒等十一驛饑乙未日有暈若連環丙申幹羅思  
等內附賜鈔萬四千貫遣還其部遣知樞密事也兒  
吉尼檢覈鞏昌等路屯戍選甘州戍卒戍汰上都  
留守司留守五員定吏員秩止從七品如前制庚子  
降太常禮儀院通政院都護府崇福司並從二品蒙  
古國子監都水監尚乘寺光祿寺並從三品給事中  
闕遺監尚舍寺司天監並正四品其官遞降一等有  
差七品以下不降賜邊戍諸王駙馬及將校士卒金  
銀幣帛有差市羊五十萬馬十萬贍北邊貧乏者幸

丑禁擅奏璽書以樞密院兼領六右衛率府壬寅降  
前中書平章政事李孟爲集賢講學士悉奪前所  
受制命御史臺臣請降詔諭百司以肅臺綱帝曰卿  
等但守職盡言善則朕當服行否亦不汝罪也甲辰  
詔中外毋沮議鐵木迭兒救能醫卜工匠任子其藝  
精絕者擇用之丙午有事於南郊告卽位丁未罷崇  
祥院以民匠都總管府隸將作院夏四月庚戌有事  
于太廟告卽位追奪佛速司徒官罷少府監復儀鳳  
教坊廣惠諸司品秩罷行中書省丞相河南行省丞  
相也先鐵木兒湖廣行省丞相朶兒只的斤遼陽行

省丞相並降爲本省平章政事惟征東行省丞相高麗王不降賜諸王鐵木兒不花鈔萬五千貫甲寅太白犯填星乙卯復國子監都水監秩正三品罷回回國子監行通政院封諸王徹徹禿爲寧遠王申詔京師勢家與民均役那懷渾都兒驛戶饑賑之戊午祀社稷告卽位己未紹慶路洞蠻爲寇命四川行省捕之祭遁甲神于香山命平章政事王毅等徵理在京諸倉庫糧帛虧額申嚴和林酒禁庚申降百官越階者並依所受之職以太常禮儀院使拜住爲中書平章政事以西僧牙八的里爲元永延教三藏法師授

金印壬戌太陰犯房以卽倍賞宿衛軍括馬三萬疋給蒙古流民遣還其部給通遼二州蒙古戶夏布鐵木迭兒請茶決政務禁諸臣毋隔越擅奏從之乙丑仁宗喪卒哭作佛事七日戊辰車駕幸上都海運至直沽調兵千人防戍封王煦爲鴉林郡公議祔仁宗以陰陽拘忌權拈綵殿於太室東南以奉神主己巳河間其定濟南等處蒙古軍饑賑之罷市舶司禁賈人下番課回回散居郡縣者戶歲輸包銀二兩增兩淮龍湖江南東西道田賦斗加二升賑大都淨州等處流民給糧馬遣還北邊戊寅以蒙古漢人驛傳復

隸通政院有厭七寶帶者因近臣以進帝曰朕登大位不聞卿等薦賢而爲人進帶是以利誘朕也其還之是月左衛屯田旱蝗左城屯田蟲食麥苗亳州水五月己卯禁僧馳驛仍收元給璽書庚辰上都留守賀倍顏坐便服迎詔棄市籍其家辛巳汝寧府霖雨傷麥禾發粟五千石賑糶之丁亥罷沅陵縣浦口千戶所己丑中書省臣請禁擅奏除拜帝曰然恐朕遺忘或乘間奏請濫賜名爵汝等當復以聞復置稱海五條河屯田命僧禱雨大同雲內豐勝諸郡縣饑發粟萬三千石貸之左丞相阿散罷爲嶺北行省平章

政事以拜住爲中書左丞相乃剌忽塔失海牙並爲中書平章政事只兒哈郎爲中書叅知政事庚寅太陰犯心辛卯叅知政事欽察罷爲集賢學士賑上都城門及駐冬衛士遣使推廣東番貨弛陝西酒禁壬辰和林民間海瘞殍死者三千餘人旌其門癸巳太陰犯天狗甲午瀋陽軍民饑給鈔萬二千五百貫賑之乙未請大行皇帝謚于南郊丙申太白犯畢禁宗戚權責避徭役及作奸犯科戊戌有告嶺北行省平章政事阿散中書平章政事黑驢及御史大夫脫忒哈徽政使失列門等與故要束謀妻亦列失入謀廢

立拜住請鞠狀帝曰彼若借太皇太后爲詞奈何命  
悉誅之籍其家追封隴西公汪世顯爲隴右王辛丑  
以知樞密院事鐵木兒脫爲中書平章政事壬寅監  
察御史請罷僧道工伶濫爵及建寺參獸之費甲辰  
以誅阿散黑驢賀伯顏等詔天下赦百司日勤政務  
怠者罪之丙午御史劉恒請興義倉及奪僧道官赦  
捕亦列失八子江浙行省平章政事買驢仍籍其家  
丁未封王禪爲雲南王往鎮其地饒州番陽縣進嘉  
禾一莖六穗以賀伯顏失列門阿散家貲田宅賜鐵  
木迭兒等六月己酉流徽政院使米薛迷于金剛山

以脫忒哈失列門故奪人畜產歸其主甲寅前太子詹  
事床元兒伏誅京師疫修佛事于萬壽山乙卯昌王阿  
失部饑賜鈔千萬貫賑之賞誅阿散等功賜拜住以下  
金銀鈔有差丙辰名河南行省平章政事楚仙帖木兒  
至京師收稅忒哈廣平王印丁巳以江西行省左丞相  
脫脫爲御史大夫宗正扎魯火赤鐵木兒不花知樞密  
院事戊午罷徽政院廣東採珠提舉司罷以有司領其  
事封知樞密院事塔失鐵木兒爲薊國公己未定邊地  
盜孳畜罪犯者令給各部力役如不校斷罪如內地法  
庚申太陰犯斗賜角觥百二十人鈔各千貫辛酉詔免

僧人雜役壬戌勅諸使至京師大事五日小事三日遣還  
是夜月食既癸亥太陰犯黑壁陣乙丑賑北邊饑民有  
妻子者鈔千五百貫孤獨者七百五十貫新作太祖幄殿  
西番盜洛各日降丁卯太白犯井賜諸王阿木里台宴  
服珠帽戊辰賑雷家驛戶鈔萬五千貫辛未太陰犯昴  
甲戌賜北邊諸王伯要台等十人鈔各一萬五千貫邊  
民賑米三月修寧夏欽察魯佛事給鈔三百一十二萬貫  
丁丑改紅城中都威衛為忠翊侍衛親軍都指揮使司  
隸樞密院罷童慶司延福司羣牧監宮正司遼陽萬戶  
府復徽儀司為繕珍司善政司為都總管府內宰司延

慶司甄用監復為正三品益都聖荆門州旱棣州高  
郵江陵水秋七月戊寅賜諸王曲魯不花鈔萬五千  
貫命玄教宗師張留孫修醮事于崇真宮壬午立普  
定路屯田分烏撒烏蒙屯田卒二千赴之運和林糧  
于扎是倉以便邊軍市馬三萬羊四萬給邊軍貧乏  
者癸未括馬於大同興和冀寧三路以頒衛士甲申  
車駕將北幸調左右翊軍赴北邊俊并以知樞密院  
事買驢哈丹並為遼陽行省平章政事丙戌賜諸王  
買奴等鈔二十五萬貞丁亥太陰犯斗諸王告任等  
部火賑糧三月鈔萬五千貫晉王也孫鐵木兒部饑

賑鈔五千萬貫壬辰罷女直萬戶府及狗站脫脫禾  
孫散遼陽紅花萬戶府兵遣扈從諸營還大都禁踐  
民禾安南內附人陳巖言其國貢使多爲規伺敕湖  
廣行省汰遣之乙未賜西僧沙加鈔萬五千貫以甘  
肅行省平章欽察知樞密院事回回太醫進藥曰打  
里牙給鈔三千萬貫丙申以昌平灤陽十二驛供億  
繁重給鈔三十萬貫賑之中書平章政事乃刺忽罷  
降封安王兀都不花爲順陽王禁獻珍寶製袞冕戊  
戌熒惑犯房樞密院臣言塔海萬戶部不刺兀赤與  
北兵戰拔軍士三百人以還非其子於野殺所乘馬

以啗士卒請賞之賜鈔五千萬貫幹魯思辰告諸王月  
兒魯鐵木兒謀變賞鈔萬五千貫敕中外希賞自請  
者勿予己亥太陰犯昴賜女巫伯牙台鈔萬五千貫  
庚子以江南行御史臺中丞廉恂爲中書平章政事  
辛丑賜公主扎牙八刺等鈔七萬五千貫晉王也孫  
鐵木兒遣使以地七千頃歸朝廷請有司徵其租歲  
給糧鈔從之以遼陽金銀鐵冶歸中政院癸卯賜伶  
人鈔二萬五千貫酒人十五萬貫己巳以知樞密院  
事也先吉尼爲江西行省平章政事是月後衛屯田  
及賴息汝陽上蔡等縣水霸州及堂邑縣蝻八月丁

未朔嶺北省臣忻都坐以官錢犒軍免官詔復其職  
戊申祭社稷罷曲靖路人匠提舉司賑晉王部軍民  
鈔二百五十萬貫崇星于司天監辛亥賑龍居河諸  
軍乙卯賜上都駐冬衛士鈔四百萬貫諸王木南郎  
部饑興聖宮牧駝戶貧乏並賑之丙辰附仁宗聖文  
欽孝皇帝莊懿慈聖皇后于太廟鐵木迭兒攝太尉  
奉玉冊行事太白犯靈臺戊午鐵木迭兒以趙世延  
嘗劾其姦誣以不敬下獄請殺之并寃省臺諸臣不  
允帝幸涼亭從容謂近侍曰頃鐵木迭兒必欲寘趙  
世延于死也朕素聞其忠良故每奏不納左右咸稱

萬歲乙丑熒惑犯天江丁卯太白犯太微垣右執法  
宮人官奴坐用日者請太皇太后崇星杖之籍其資  
脫思馬部宣慰使亦憐真坐違制不發兵杖流奴兒  
干之地庚午發米十萬石賑糶京師貧民壬申太陰  
犯軒轅御女甲戌廣東新州饑賑之河間路水九月  
甲申建壽安山寺給鈔千萬貫括興和馬以贍北部  
貧民禁五臺山樵採罷上都嶺北甘肅河南諸郡酒  
禁乙酉太陰犯壘壁陣丙戌熒惑犯斗壬辰敕議玉  
華宮歲享睿宗登歌大樂土番利族阿俄等五種寇  
成谷遣鞏昌總帥以兵討之循州溪蠻秦元吉爲寇

遣守將捕之癸巳太陰犯昴潘陽水旱害稼弛其山  
場河泊之禁戊戌太陰犯鬼巳亥太白犯亢庚子常  
澧州洞蠻貞公合諸洞爲寇命土官追捕之癸卯親  
王脫不花搠思班遣使來賀登極甲辰雲南木邦路  
土官給邦子忙兀等入貢賜幣有差遣馬扎蠻等使  
占城占臘龍牙門索馴象以廩藏不克停諸王所部  
歲給冬十月丁未時享太廟庚戌太陰犯熒惑于斗  
將作院使也速坐董製珠衣怠工杖之籍其家壬子  
作佛事于文德殿四十日申嚴兩淮鹽禁丁巳酉陽  
聳儂洞蠻田謀遠爲寇命守臣招捕之戊午車駕至

自上都詔太常院臣曰朕將以四時躬祀太室宜與  
羣臣集議其禮此追遠報本之道毋以朕勞於對越  
而有所損其悉遵典禮安南國遣其臣鄧恭儉來貢  
方物庚申敕譯佛書辛酉賜勞探馬赤宿衛者遣還  
所部癸亥太陰犯井乙丑幸大護國仁王寺帝師請  
以醮八兒監藏爲土蕃宣慰司都元帥從之酉陽土  
官冉世昌遣其子冉朝率大小石隄洞蠻入貢丙寅  
定恭謝太廟儀式丁卯爲皇后作鹿頂殿于上都巳  
巳罷玉華宮祀睿宗登歌樂敕翰林院譯詔關白中  
書庚午命拜任督造壽安山寺癸酉流諸王阿剌鐵

木兒於雲南十一月丙子朔帝御齋宮丁丑恭謝太廟至仁宗太室即流涕左右感動戊寅以海運不給命江浙行省以財賦府租益之還其直歸宣徽中政二院檢勘沙淨二州流民勒還本部以登極大賚諸王百官中書會其數計金五千兩銀七十八萬兩鈔百二十一萬一千貫幣五萬七千三百六十四匹帛四萬九千三百二十二匹木綿九萬二千六百七十二匹布二萬三千三百九十八匹衣八百五十九襲鞍勒弓矢有差給嶺北驛牛馬造今年鈔本至元鈔五千萬貫中統鈔二百五十萬貫汰衛士冒受歲賜

者庚辰併永平路灤邑縣于石城遣定住等括順陽王兀都思不花邸財物入章佩監中政院禁京城諸寺邸舍匿商稅辛巳以親祀太廟禮成御大明殿受朝賀甲申敕翰林國史院纂修仁宗實錄丁亥作佛事于光天殿戊子幸隆福宮己丑宣德蒙古驛饑命通政院賑之丁酉詔各郡建帝師八思巴殿其制視孔子廟有加戊戌交趾蠻儂志德寇脫零那乞等六洞命守將討之遣使聞實各行省戌兵己亥計京官俸鈔給米三分癸卯熒惑犯壘壁陣甲辰鐵木迭兒言和市織幣薄惡由董事者不謹請免右丞高昉等

官仍令郡縣更造徵其元直不允太常禮儀院擬進時享太廟儀式十二月乙巳朔詔曰朕祗適貽謀獲承丕緒念付託之惟重顧繼述之敢忘爰以延祐七年十一月丙子披服袞冕恭謝于太廟既大禮之告成宜普天之均慶屬茲踰歲用易紀元于以導天地之至和于以法春秋之謹始可以明年爲至治元年減天下租賦二分包銀五分免大都上都興和三路差稅三年優復煮鹽煉鐵等戶二年開燕南山東河治之禁聽民采取命官家屬流落邊遠者有司資給遣之其子女典樂於人者聽還其家監察御史廉訪司歲舉可任守令者二人七品以上官有偉畫長策可以濟世安民者實封上之士有隱居行義明治體不求聞達者有司具狀以聞丁未播州蠻蠻的羊籠等來降庚戌鑄銅爲佛像置玉德殿壬子賜壽寧公主鈔七萬五千貫癸丑以天壽節預遣使修醮于龍虎山乙卯率百官奉玉冊玉寶加上太皇太后尊號曰儀天興聖慈仁昭懿壽元全德泰寧福慶徽文崇祐太皇太后翰林學士忽都魯都兒譯進宋儒真德秀大學衍義帝曰脩身治國無踰此書賜鈔五萬貫河南饑帝問其故群臣莫能對帝曰良由朕治道未

洽卿等又不盡心乃職委任失人致陰陽失和災害荐至。自今各務勤恪以應天心。毋使吾民重困。太陰掩昴丙辰以太皇太后加號禮成御大明殿受朝賀。丁巳詔諭中外戊午太陰犯井庚申太陰犯鬼辛酉作延春閣後殿壬戌召西僧輦真哈刺思赴京師敕所過郡縣肅迎乙丑崇星于回回司天監四十晝夜丙寅以典瑞院使闊徹伯知樞密院事修秘密佛事于延春閣丁卯鐵木迭兒拜住言比者詔內外言得失今上封事者或直進御前乞令臣等開視乃入奏聞帝曰言事者直至朕前可也如細民輒訴訟者則

禁之給武宗皇后鈔七十五萬貫以大學衍義印本頒賜群臣戊辰以太皇太后加號禮成告太廟己巳敕罷明年二月八日迎佛中書右丞木八剌罷爲江西行省右丞以中書叅知政事只兒哈郎爲右丞江南浙西道廉訪使薛處敬爲中書叅知政事遣使閱奉元路軍需庫辛未拜住進鹵簿圖帝以唐制用萬二千三百人耗財乃定大駕爲三千二百人法駕二千五百人上思州獠結交趾寇忠州癸酉帝聞賀伯顏母老憫之以所籍京兆田磴還其家江浙行省平章政事伯顏察兒江西行省平章政事白撒都並坐

元史本紀卷三十一  
三  
貪墨免官是歲決獄輕重七千六百三十事河決汴  
梁原武浸灌諸縣滹沱決文安大成等縣渾河溢壞  
民田廬秦州成紀縣暴雨山崩朽壤墳起覆沒畜產  
汴梁延津縣大風晝晦桑多損大同雨雹大者如鷄  
卵諸衛屯田隕霜害稼益津縣雨黑霜  
至治元年春正月丁丑修佛事于文德殿壬午增置  
鄴州都漕運司同知運判各一員甲申召高麗王王  
章赴上都丙戌帝服袞冕享太廟以左丞相拜住亞  
獻知樞密院事闊徹伯終獻詔群臣曰一歲惟四祀  
使人代之不能致如在之誠實所未安歲必親祀以

終朕身廷臣或言祀事畢宜赦天下帝諭之曰恩可  
常施赦不可屢下使殺人獲免則死者何辜遂命中  
書陳便宜事行之丁亥帝欲以元夕張燈宮中叅議  
中書省事張養浩上書諫止帝遽命罷之曰有臣若  
此朕復何憂自今朕凡有過豈獨臺臣當諫人皆得  
言賜養浩帛二疋諸王忽都荅兒來朝癸巳諸三幹  
羅思部饑發淨州平地倉糧賑之蘄州蘄水縣饑賑  
糧三月奉元路饑禁酒乙未太陰掩房巳亥降延福  
監爲延福提舉司廣福監爲廣福提舉司秩從五品  
以壽安山造佛寺置庫掌財帛秩從七品甲辰辰星

犯外屏水金火土四星聚奎二月汴梁歸德饑發粟  
十萬石賑糶河南安豐饑以鈔二萬五千貫粟五萬  
石賑之戊申祭社禩改中都威衛爲忠翊侍衛親軍  
都指揮使司己酉作仁宗神御殿于普慶寺辛亥調  
軍三千五百人修上都華嚴寺壬子夜金火土三星  
聚于奎大永福寺成賜金五百兩銀二千五百兩鈔  
五十萬貫幣帛萬匹丁巳畋于柳林敕更造行宮監  
察御史觀音保鎖咬兒哈的迷失成珪李謙亨諫造  
壽安山佛寺殺觀音保鎖咬兒哈的迷失杖珪謙亨  
竄于奴兒干地己未樞密院臣請授副使吳元珪榮

祿大夫以階高不允授正奉大夫賑木憐道三十一  
驛貧戶辛酉大白犯熒惑癸亥太陰犯心甲子置承  
徽寺秩正三品割常州宜興民四萬戶隸之丁卯以  
僧法洪爲釋源宗主授崇祿大夫司徒禁越臺省訢  
事罷先朝傳旨濫選者戊辰賜公主扎牙入刺從者  
鈔七十五萬貫三月甲戌營王也先帖木兒部畜牧  
死損賜鈔五十萬貫丙子建帝師入思巴寺於京師  
丁丑御大明殿受緬國使者朝貢太陰掩昴賜公主  
買的鈔五萬貫駙馬滅憐鈔二萬五千貫召諸王太  
平于汴發民丁䟽卜直沽白河庚辰廷試進士泰普

化宋本等六十四人賜及第出身有差辛巳車駕幸上都遣使賜西番撒思加地僧金二百五十兩銀二千二百兩袈裟二萬幣帛幡茶各有差壬午遣咒師朶兒只往牙濟班卜二國取佛經癸未製御服珠袈裟甲申敕纂修仁宗實錄后妃功臣傳乙酉寶集寺金書西番波若經成置大內香殿益壽安山造寺役軍巳丑大同路麒麟生甲午置雲南王府巳亥宦者孛羅鐵木兒坐罪流奴兒于地庚子賑寧國路饑年丑以鐵矢為御史大夫佩金符領忠翊侍衛新軍都指揮使癸卯益都般陽饑以粟賑之夏四月丙午給

喃荅失王府銀印秩正三品寬徹忽塔迷失王府銅印秩從三品庚戌享太廟江州贛州臨江霖雨袁州建昌旱民皆告饑發米四萬八千石賑之丁巳廣德路旱發米九千石減直賑糶戊午太陰犯心巳未造象駕金脊殿吉陽黎蠻冠寧遠縣庚申太陰犯斗戊辰敕賜鐵木迭兒父祖碑命宦者孛羅台為太常署令太常官言刑人難與大祭遂罷之五月丙子毀上都回回寺以其地營帝師殿賑益都膠州饑丁丑霸州蝗戊寅太白犯鬼積尸氣太陰犯軒轅庚辰太陰犯明掌濮州大饑命有司賑之壬午遷親王圖帖穆

爾于海南禁日者毋交通諸王駙馬掌陰陽五科者  
毋泄占候以興國路去歲旱免其田租丁亥修佛事  
丁大安閣庚寅賑諸王哈賓鐵木兒部沂州民張昱  
坐妖言濟南道士李天祥坐教人兵藝杖之女直蠻  
赤輿等十九驛饑賑之辛卯海漕糧至直沽遣使祀  
海神天妃作行殿于縉山流杯池高郵府旱祭巳寶  
定路飛蟲食桑乙未命世家子弟成童者入國學辛  
丑太常禮儀院進太廟制圖壬寅開元路霖雨六月  
癸卯朔日有食之作金浮屠于上都藏佛舍利乙卯  
以鐵木迭兒領宣政院事丁巳叅知政事敬儼罷爲

陝西行御史臺中丞戊午涇州雨雹巳未太陰犯虛  
梁滁州霖雨傷稼蠲其租辛酉太白經天道弘祚等  
言事勒歸鄉里仍禁妄言時政壬戌龍虎山張嗣成  
來朝授太玄輔化體仁應道大真人乙丑遣使往銓  
江浙江西湖廣四川雲南五省邊郡官選丁卯崇星  
于司天臺大同路雨雹戊戌衛輝汴梁等處蝗巳巳  
以上都留守只兒給郎爲中書平章政事臨江路旱  
免其租通濟屯霖雨傷稼霸州大水渾河溢被災者  
二萬三千三百戶秋七月壬申賜晉王也孫鐵木兒  
鈔百萬貫遼陽開元等路及順州邢臺等縣大水祭

西衛輝胙路城縣蝗乙亥賑南恩新州饑丙子淮安  
路屬縣水丁丑享太廟戊寅通州潞縣榆棗水決庚  
辰鹵簿成滹沱河及范陽縣巨馬河溢辛巳蓋屋縣  
僧圓明作亂遣樞密院判官章台督兵捕之壬午通  
許臨淮盱眙等縣蝗癸未封太尉李蘭奚爲和國公  
乙酉大雨渾河防決庚寅清池縣蝗癸巳太陰犯昴  
黃平府蠶盧砮爲寇削萬戶何之祺等官一級遣吏  
部尚書教化禮部郎中文矩使安南頒登極詔諸王  
闕別薨賻鈔萬五千貫丙申禁服色踰制巳亥奉仁  
宗及帝御容於太聖壽萬安寺蒲陰縣大水庚子修

上都城詔河南江浙流民復業淮西蒙城等縣饑  
嗚道士劉志先以妖術謀亂復命章台捕之薊州平  
谷漁陽等縣大水大都保定真定大名濟寧東平東  
昌永平等路高唐曹濮等州水順德大同等路雨雹  
乞兒吉思部水八月壬寅修都城安陸府水壞民廬  
舍癸卯賑膠州饑甲辰高郵興化縣水免其租丙午  
泰興江都等縣蝗丁未太陰犯心戊申祭社稷上都  
鹿頂殿成己酉太陰犯斗庚戌以軍士貧乏遣知樞  
密院事鐵木兒不花整治仍詔諭中外有敢擾害者  
罪之賑北部孤寡糧鈔賜公主速哥八刺鈔五十萬

貫兀兒速憨哈納思等部貧乏戶給牝馬二疋壬子  
熒惑犯軒轅乙卯中書平章政事鐵木兒脫罷爲上  
都留守壬戌淮安路鹽城山陽縣水免其租車駕駐  
蹕興和左右以寒甚請還京師帝曰兵以牛馬爲重  
民以稼穡爲本朕遲留蓋欲馬得芻牧民得刈穫一  
舉兩得何計乎寒雷州路海康遂溪二縣海水溢壞  
民田四千餘頃免其租秦州成紀縣山崩九月乙亥  
熒惑犯靈臺京師饑發粟十萬石減價糶之丙子駐  
蹕昂兀嶺壬午熒惑犯太微西垣上將賜諸王撒兒  
蠻鈔五萬貫壬辰中書平章政事塔失海牙坐受賊

杖免丁酉熒惑犯太微垣右執法車駕還大都庚子  
安陸府漢水溢壞民田賑之冬十月辛丑朔修佛事  
於大內妖僧圓明等伏誅甲午太白經天戊申熒惑  
犯太微垣左執法庚戌親享太廟壬子拜住獻嘉禾  
兩莖同穗癸丑敕翰林集賢官年之十者母致仕以  
內郡水罷不急工役敕蒙古子女鬻爲回回漢人奴  
者官收養之禁中書掾曹母泄機事命樞密遣官整  
視各郡兵馬戊午置趙王馬札罕部錢糧總管府秩  
正三品己未肇慶路水賑之丙寅河南行省叅知政  
事你咱馬丁坐殘忍免官丁卯增置侍儀司通事舍

人六員侍儀舍人四員己巳遣燕鐵木兒巡邊十一月辛未熒惑犯進賢己亥幸大護國仁王寺丙子太陰犯虛梁戊寅御大明殿羣臣上尊號曰繼天體道敬文仁武大昭孝皇帝是夜辰星犯房己卯以受尊號詔天下拜住請釋囚不允庚辰益壽安山寺役卒三千人辛巳命御史大夫鐵失領左右阿速衛丙戌太陰犯井丁亥以教官待選者借注廣海巡檢己丑太陰犯酒旗又犯軒轅庚寅拜住等言受尊號宜謝太廟行一獻禮世祖亦嘗議行武宗則躬行謝禮詔曰朕當親謝命太史卜日樞密選兵肄鹵簿辛卯太

陰犯明堂癸巳以營田提舉司徵酒稅擾民命有司兼權之甲午以遼陽行省管內山場隸中政院丙申殺立故丞相安童碑于保定新城戊戌鞏昌成州饑發儀倉賑之己亥太白犯西咸十二月庚子給蒙古子女冬衣辛丑立亦啓烈民爲皇后遣攝太尉中書右丞相鐵木迭兒持節授玉冊玉寶癸卯以立后詔天下慶遠路餉真定路疫並賑之甲辰熒惑犯亢戊申躬謝太廟庚戌太陰犯昴作太廟正殿甲寅疏玉泉河車駕幸西僧灌頂寺己未封峻南藏卜爲白蘭真定大名順德等路水民饑楚釀酒

平 年政事辛酉熒惑入氏甲子

置田神提舉司掌薊景二州田賦以給衛士貧乏者

秩從五品命帝帝哥羅古羅思監藏班藏卜詣西

番受具足戎 二百五十兩銀四千五十兩幣

帛萬 諸王怯伯使者數入古發兵

無溝橋河間路餼賑之復以馬家奴為司

徒乙丑置中端司治銅五十萬斤作壽安山寺佛像

寧海州蝗歸德遼陽通州等處水

本紀卷之二十七

